




**ՎԵՀԱՓԱՌ ՀԱՅՐԱՊԵՏԻ ԾՆՆԴՅԱՆ 75-ԱՄՅԱԿԻՆ,
ՔԱՀԱՆԱՅԱԳՈՐԾՈՒԹՅԱՆ 40-ԱՄՅԱԿԻՆ ԵՎ
ԳԱՀԱԿԱԼՈՒԹՅԱՆ 28-ՐԴ ՏԱՐԵԴԱՐՁԻՆ ՆՎԻՐՎԱԾ
ՀԱՆԴԻՍԱՎՈՐ ՆԻՍՏԸ ՎԵՀԱՐԱՆԻ ՀԱՆԴԻՍՈՒԹՅԱՆՑ
ԴԱՀԼԻԾՈՒՄ**

Սեպտեմբերի 27-ին, երեքշաբթի:

Սրբալույս մեռնի օրհնության նվիրված հանդիսությունից երկու օր հետո, նույն խանդավառությամբ և նույն տոնական տրամադրությամբ Մայր Աթոռ Ս. Էջմիածնում նշվում է Վեհափառ Հայրապետի ծննդյան 75-ամյակը:

Վեհափառի հանդիսությունների դահլիճում հավաքվել են Հայ Եկեղեցու բարձրաստիճան ներկայացուցիչները ներքին և արտասահմանյան թեմերից, քույր Եկեղեցիների պատգամավորները, Մայր Աթոռի միաբանության անդամները և պաշտոնեությունը, Գերագույն Հոգևոր Խորհրդի անդամները, մայրաքաղաքի հասարակայնության ներկայացուցիչներ, մամուլի, ռադիոյի, հեռուստատեսության աշխատողներ և սփյուռքահայ պաշտոնական հյուրեր:

Հանդիսությունը բաց է անում Գերագույն Հոգևոր Խորհրդի ատենապետ Տ. Սիոն արքեպ. Մանուկյանը.

«Վեհափառ Տեր,

Մեծահանդես տոն է այսօր: Հայ Եկեղեցին ու հայ ժողովուրդը ցնծությամբ կտոնեն Նորին Սուրբ Օծության՝ Վազգեն Ա Սրբապնագույն կաթողիկոսի Ամենայն Հայոց ծննդյան 75-ամյակը, քահանայական ձեռնադրության 40-ամյակը և հայրապետական օծման և գահակալության 28-ամյակը: «Ուրախ լեր Ս. Եկեղեցի», ցնծա հայ ժողովուրդ: Արդարև, ուրախ է Հայ Եկեղեցին ու կցնծա հայ ժողովուրդը, որ ի Հայաստան և ի սփյուռք աշխարհի, վասնզի 28 տարիներն ի վեր Ս. Լուսավորչի Աթոռին վրա բուլված է արժանավորապես «Հայրապետ սուրբ և անբիծ, նման մեծի Մովսիսի, սին լուսոյ կանգնեալ ի մէջ Հայաստանի»:



Գերաշնորհ Տ. Սիրոն արքեպ. Մանուկյան



ՎԵՀԱՓԱՌ ՀԱՅՐԱՊԵՏԸ՝ ԾՐՋԱՊԱՏՎԱԾ ՀԱՅ ԵԿԵՂԵՑՈՒ ԲԱՐՁՐԱՍՏԻԾԱՆ
ՀՈԳԵՎՈՐԱԿԱՆՆԵՐՈՎ ՎԵՀԱՐԱՆԻ ԾՔԱՄՈՒՏՔԻ ԱՌՋԵՎ

տանեայց»: Պողոս առաքյալի խոսքերը կրկնելով՝ «Ձի այսպիսի վայել էր մեզ՝ քահանայապետ սուրբ և անվեղ, անսրատ, վատեալ ի մեղաւորաց և բարձրացեալ քան վերկինս» (Երբ. Է 26):

Նորին Սուրբ Օծությունը, օժոված աստվածատուր ջնորհներով, եղավ իրավամբ հավատքի, բարության և հայրենասիրության ու խաղաղության առաքյալ մը Հայ Եկեղեցվո և հայ ժողովուրդի համար: Ան եղավ լավատես ու պայծառատես հանդեպ հայ ժողովուրդին և հայրենիքի լուսավոր ապագային: Անիկա եղավ Ներսես Բ Շինող հայրապետը՝ վերաջինելով ու պայծառացնելով Մայր Աթոռ Ս. Էջմիածինն ու Հայաստանի բազմաթիվ եկեղեցիներն ու վանքերը: Ան եղավ Մովսես մարգարե հայ ժողովուրդի՝ ի սփյուռս աշխարհի ցրված իր վավակները դեպի հայրենիք առաջնորդող՝ Սինայի անապատեն դեպի Ավետիյաց երկիրը հայոց:

Նորին Սուրբ Օծությունը առաջին հայրապետը եղավ, որ իր օծումեն անմիջապես հետո ճամփա ելավ դեպի գաղթաշխարհ՝ Լուսավորչի լույսը և Հայաստանի սերը տանելու իր պանդուխտ վավակներուն:

Անիկա այցելեց քրիստոնյա աշխարհի մեծ կեդրոնները՝ Կ. Պոլիս և Հռոմ, աղի գնաց գրեթե կրոնական բոլոր եկեղեցիներու պետերուն անոնց մասնավոր հրավերովը և ծանոթացուց Հայ Եկեղեցին օտարներուն: Եվ անոնք եկան Հայաստան, տեսան փառավոր Սուրբ Էջմիածինը և ծաղկյալ Հայաստանը:

Նորին Սուրբ Օծությունը, ըլլալով ի սկզբանե դաստիարակ, մեծ գուրգուրանք ցույց տվավ հոգևոր ճիմարանին՝ ստանձնելով սարկավագներու հոգևոր դաստիարակությունը:

Նորին Սուրբ Օծությունը եղավ բախտավոր Հայրապետ, ապրելով և իրագործելով խաղաղության շրջանի մեջ և վայելելով հայրենի կառավարության բարյացակամ օժանդակությունը:

Վեհափառ Տեր,

Այսօր եկած են Ձեր հոգևոր վավակները, ինչպես նաև քույր Եկեղեցիներու պատգամավորները՝ իրենց սրտագին հարգանքը մատուցանելու Ձեզի Ձեր ծննդյան, քահանայագործության և հայրապետական եռյակ հոբելյաններու առթիվ:

Մենք ամենքս ալ ի սրտե կմաղթենք Ձեզի Աստուծո օգնականությունն ու երկար. քաջառողջ և արդյունավետ պտղալից տարիներ, իբրև գլուխ և հովվապետ հայ հավատացյալ ժողովուրդի»:

Այնուհետև Վեհափառ Հայրապետի ծննդյան 75-ամյակի, քահանայական կրջման 40-ամյակի և գահակալության 28-րդ տարեդարձի առթիվ Գերագույն Հոգևոր Խորհրդի անունից հանդես եկավ Մայր Աթոռի դիվանապետ Տ. Ներսես եպս. Պոպապայանը հետևյալ ընդարձակ պեկուցումով.

Տ. ՆԵՐՍԵՍ ԵՊԻՍԿՈՊՈՍԻ ՁԵԿՈՒՅՈՒՄԸ

Վեհափառ Տեր,

Ամենապատիվ Պատրիարք սրբազան հայր,

Գերաջնորդ, հոգեջնորդ և արժանապատիվ հայրեր,

Մեծարգո Տիար Ռ. Պարսամյան և Վիկտոր Վոլոդին,

Հարգարժան պատգամավորներ, հյուրեր և սիրելի ներկաներ.

Այս տարի, սեպտեմբերյան այս օրերին, լրանում է Ն. Ս. Օ. Տ. Տ. Վազգեն Ա Ամենայն Հայոց Կաթողիկոսի գահակալության 28-րդ տարեդարձը, քահանայական կրջման 40-ամյակը և կենաց 75-ամյակը:

Այս առթիվ Գերագույն Հոգևոր Խորհուրդը ինձ վրա քաղցր պարտականություն դրեց, հոբելյանական այս հանդիսավոր նիստին, ներկայացնելու Նորին Սրբության ծավալուն աշխատանքները անցնող 28 տարիների ընթացքում:

Վեհափառ Հայրապետը ծնվել է Բուխարեստում 1908 թ. սեպտեմբերի 20-ին: Ծննդավայրում իր միջնակարգ կրթությունն ստանալուց հետո, ուսումը շարունակել է Բուխարեստի համալսարանի գրականության և փիլիսոփայության ֆակուլտետում՝ ավարտելով այն 1936 թվին: Համալսարանական ուսումնառության տարիներից սկսած և հետագայում էլ մինչև հոգևոր կոչում ստանալը՝ 1943 թվին, նա եռանդով նվիրվել է կրթական ու հրապարակագրական աշխատանքի:

1943 թ. սեպտեմբերի 30-ին ձեռնադրվել է կուսակրոն հոգևորական Աթենքում և ապա ընտրվել Ռումինիայի հայոց թեմի հոգևոր առաջնորդ: 1943—44 տարիներին հետևել է Բուխարեստի համալսարանի սոսուլաժաբանության ֆակուլտետի դասընթացներին:

1951 թ. Մայր Աթոռ Ս. Էջմիածնում, ձեռամբ երջանկահիշատակ Ս. Գևորգ Զ կաթողիկոսի, ձեռնադրվել է եպիսկոպոս և ծառայել Ռումինիայի հայոց թեմում առաջնորդական պաշտոնով մինչև կաթողիկոս լինելը: Այդ տարիներին ամրապնդվում է նրա ղեկավարած թեմի կանոնական կապը Մայր Աթոռ Ս. Էջմիածնի և մայր հայրենիքի հետ:

1955 թ. սեպտեմբերի 30-ին Ս. Էջմիածնում գումարված ազգային-եկեղեցական ժողովը Ս. Վալզեն Պաճյան եպիսկոպոսին ընտրում է ծայրագույն Պատրիարք և Կաթողիկոս Ամենայն Հայոց:

Մի քանի օր հետո, հոկտեմբերի 2-ին, կիրակի օրը, Ս. Էջմիածնի Մայր տաճարում, 12 արքեպիսկոպոսների և եպիսկոպոսների մասնակցությամբ, կատարվում է Հայոց Հայրապետի կաթողիկոսական ձեռնադրության և օծման արարողությունը, իսկ հետևյալ օրը բացառիկ հանդիսավորությամբ կատարվում է նրա գահակալության հանդիսությունը:

Այսպիսով, Ս. Գրիգոր Լուսավորչի պատմական Աթոռի վրա է բազմում Հայ Եկեղեցու 130-րդ հայրապետը՝ Ս. Ս. Վալզեն Ա կաթողիկոսը:

Հանձին Ս. Ս. Վալզեն Ա կաթողիկոսի, Հայաստանյայց Եկեղեցին, համաշխարհային Բ պատերազմի արհավիրքներից վիրավոր, ունեցավ իր արժանավոր Հովվապետը՝ ի Հայաստան և ի սփյուռք աշխարհի ցրված իր ժողովուրդը իր հովանու տակ միացնելու և հոգեպես մխիթարելու առաքելությամբ:

Անցնող 28 տարիների ընթացքում Վեհափառ Հայրապետը գրոց հիշատակության արժանի իր գործունեությամբ, որպես խոհուն և անձնոլոր հոգևորական, իր անձի շուրջ ստեղծեց մեծ պատկառանք, իրավ հեղինակություն և դարձավ Հայաստանյայց Եկեղեցու և հայ ժողովրդի սիրելի Հայրապետը: Նրա ոգեշնչող անձնավորությունից ճառագայթող լույսը ջերմացրել ու ջերմացնում է ողջ հայության սիրտը՝ կապելով նրան Ս. Էջմիածնին և հայրենի հարապատ հողին:

Հայրենի հողի վրա ամրորեն դրած իր ոտքերը՝ Վեհափառը կերպարանափոխեց Մայր Աթոռը. անցնող 28 տարիների ընթացքում, Մայր տաճարից մինչև միսրանական շենք. Ղապարապատից մինչև նոր Վեհարան, հին Վեհարանից մինչև Գանձատուն, բազում շինություններ կառուցվեցին, վերակառուցվեցին կամ վերանորոգվեցին և նրա ճաշակով գեղեցկացան անօրինակ կերպով:

Հոբելյար Հայրապետը իր հայրական հոգատար սրտով, իբրև Հովվապետ հայոց, հասավ նաև սփյուռքին, իր այցելությունների միջոցով տարավ Սուրբ

Էջմիածնի օրհնությունն ու պատգամը տարագիր հայությանը, տարած հայրենիքի կենարար շունչը և իբրև Այրարատյան աղավնի, խաղաղության ուսող ձիթենու իր ձեռքին, հասավ մինչև Ատլանտյանի և Խաղաղականի ափերը՝ մխիթարելու իր օրդիներին հայրենական քաղցրություններով: Եվ նրա պատ-



Գերաշնորհ Տ. Ներսես եպս. Պոպապայանը զեկուցագիրն ընթերցելիս

գումները բյուրեղացան սփյուռքի հայության գիտակցության մեջ, դարձան պաշտամունք Սուրբ Էջմիածնի և հայրենի իրականության հանդեպ:

Հորեկար Հայրապետի գահակալության 28-ամյա բեղուն շրջանը ընդգրկում է գործունեության բավաճախի բնագավառներ: Այժմ թույլ տվեք համա-

ռոտակի ներկայացնել ձեռն Նորին Սրբության այդ բազմերես և բազմաբովանդակ գործունեության պատկերը իր հիմնական գծերի մեջ:

Նորին Սրբությունը իր գահակալության առաջին օրվանից իրեն հատուկ եռանդով ձեռնամուխ եղավ ստեղծելու խաղաղ և առողջ հիմքերի վրա դրված վանական հոգևոր կյանք:

Այս երջանիկ հոբելյանի հանգրվանին, ուր-մի եմ արձանագրելու, որ Հայոց Հայրապետը կարողացավ Մայր Աթոռի երիտասարդ միաբաններին ներշնչել հոգևոր կոչման և ապագային առաքելության վսեմ պատգամ և Մայր Աթոռի անսասանության և պայծառության հստակ պոնիկուր գաղափարական բարձր գիտակցություն:

Վեհափառ Հայրապետի գահակալության շրջանում նրա սուրբ Աջով ձեռնադրվել ու եպիսկոպոսական աստիճան են ստացել 50 հոգևորականներ՝

1. Տ. Շնորհք արքեպիսկոպոս Գալուստյան (պատրիարք Թուրքիայի հայոց)
2. Տ. Հայկապոտ արքեպիսկոպոս Աբրահամյան
3. Տ. Սերովբե արքեպիսկոպոս Մանուկյան
4. Տ. Հայրիկ արքեպիսկոպոս Ալանյան
5. Տ. Ասողիկ արքեպիսկոպոս Ղապարյան
6. Տ. Պսակ արքեպիսկոպոս Թումայան
7. Տ. Կոմիտաս արքեպիսկոպոս Տեր-Ստեփանյան
8. Տ. Բաբկեն արքեպիսկոպոս Ապատյան
9. Տ. Թորգոմ արքեպիսկոպոս Մանուկյան
10. Տ. Շահե արքեպիսկոպոս Աճեմյան
11. Տ. Վաչե արքեպիսկոպոս Հովսեփյան
12. Տ. Հուսիկ արքեպիսկոպոս Սանթրոյան
13. Տ. Տիրայր արքեպիսկոպոս Մարտիրոսյան
14. Տ. Զավեն արքեպիսկոպոս Զինչինյան
15. Տ. Գարեգին արքեպիսկոպոս Գալստյան
16. Տ. Վարդան եպիսկոպոս Տեր-Սահակյան
17. Տ. Եզնիկ եպիսկոպոս Ալնավորյան:
18. Տ. Պարզե եպիսկոպոս Վրթանեսյան
19. Տ. Շավարշ եպիսկոպոս Գույումճյան
20. Տ. Զգոն եպիսկոպոս Տեր-Հակոբյան
21. Տ. Գնել եպիսկոպոս Ճերեճյան
22. Տ. Բաբկեն եպիսկոպոս Վարժապետյան
23. Տ. Եղիշե եպիսկոպոս Սիմոնյան
24. Տ. Մաշտոց եպիսկոպոս Թաջիրյան
25. Տ. Հակոբ եպիսկոպոս Վարդանյան
26. Տ. Շահան եպիսկոպոս Սվաճյան
27. Տ. Գյուտ եպիսկոպոս Նազգաշյան
28. Տ. Արսեն եպիսկոպոս Բերբերյան
29. Տ. Նարեկ եպիսկոպոս Շաքարյան
30. Տ. Գևորգ եպիսկոպոս Սեբադարյան
31. Տ. Հմայակ եպիսկոպոս Ինթոյան
32. Տ. Արիս եպիսկոպոս Շիրվանյան
33. Տ. Ներսես եպիսկոպոս Պոպապալյան
34. Տ. Կյուրեղ եպիսկոպոս Գաբրիկյան

35. Տ. Դավիթ եպիսկոպոս Սահակյան
36. Տ. Եղիշե եպիսկոպոս Կիպիրյան
37. Տ. Ոսկան եպիսկոպոս Գալփաքյան
38. Տ. Նորվան եպիսկոպոս Ջաքարյան
39. Տ. Ավագ եպիսկոպոս Ասատուրյան
40. Տ. Աղան եպիսկոպոս Պալիոպան

ԵՊԻՍԿՈՊՈՍԱՑ ՍՈՒՅՆ ՑՈՒՑԱԿԻՑ ՎԱՆՃԱՆՎԵԼ ԵՆ՝

1. Հայկապոն արքեպիսկոպոս Աբրահամյան
2. Տ. Վարդան եպիսկոպոս Տեր-Սահակյան
3. Տ. Եվսիկ եպիսկոպոս Ազնավուրյան
4. Տ. Պարզ եպիսկոպոս Վրթանեսյան
5. Տ. Շավարշ եպիսկոպոս Գույումճյան
6. Տ. Մաշտոց եպիսկոպոս Թաջիրյան
7. Տ. Եղիշե եպիսկոպոս Սիմոնյան
8. Տ. Հայրիկ արքեպիսկոպոս Ասլանյան
9. Տ. Ասողիկ արքեպիսկոպոս Ղալարյան
10. Տ. Պսակ արքեպիսկոպոս Թումայան
11. Տ. Կոմիտաս արքեպիսկոպոս Տեր-Ստեփանյան
12. Տ. Բաբկեն արքեպիսկոպոս Ալստյան

Վեհափառ Հայրապետն իր գահակալության ընթացքում իր շուրջն ունեցավ, իբրև Գերագույն Հոգևոր Խորհրդի և Վերստուգիչ Հանձնախմբի անդամներ, որպես մերձավոր գործակիցներ, թե՛ Հայ Եկեղեցու բարձրաստիճան հոգևորականներ սփյուռքից և Մայր Աթոռից, և թե՛ հայրենաբնակ վաստակաշատ, անվանի մտավորականներ, որոնք իրենց ամբողջական մասնակցությունը բերեցին Հայոց Հայրապետի եկեղեցաշեն ու հայրենանվեր ծրագրերի իրականացման գործին:

Գերագույն Հոգևոր Խորհրդի համալրված ներկա կազմը հետևյալն է.

- Տ. Սիոն արքեպիսկոպոս Մանուկյան (ատենապետ)
- Տ. Սերովյան արքեպիսկոպոս Մանուկյան
- Տ. Հուսիկ արքեպիսկոպոս Սանթրուրյան
- Տ. Շահե արքեպիսկոպոս Աճեմյան
- Տ. Արսեն եպիսկոպոս Բերբերյան
- Տիարք՝ դոցենտ Կարպիս Կարսոցյան
- դոցենտ Հովհաննես Թովուկյան
- ժող. նկարիչ, ակադեմիկոս Գրիգոր Խանջյան
- ճարտարապետ Արմեն Ջարյան

Գերագույն Հոգևոր Խորհրդի նիստերին ի պաշտոնե մասնակցում են Մայր Աթոռի դիվանապետ Տ. Ներսես եպս. Պոպապալյանը և միջեկեղեցական հարաբերությունների բաժնի ընդհանուր քարտուղար Տիար Պարզն Շահբալյանը:

Գերագույն Հոգևոր Խորհրդին առընթեր գործել է միշտ Վերստուգիչ Հանձնաժողովը, որի կազմում են այժմ՝

- Տ. Նարեկ եպս. Շաքարյան
- Տիար Եփրեմ Ալեքսանյան
- Տիար Մինաս Կարապետյան

Մայր Աթոռի շինարարական աշխատանքներին մարմին տալու համար Հայոց Հայրապետի հրավերով և նրա անմիջական հսկողության տակ Ս. Էջմիածնում կազմվել և առ այսօր գործում է հայրենի անվանի ճարտարապետներից, ինժեներներից և արվեստագետներից բաղկացած գիտական մի հանձնաժողով, որն իր անձնվեր գործակցությամբ կյանքի է կոչում Նորին Սրբաթյան մշակած շինարարական բոլոր ծրագրերը:

Վերոհիշյալ հանձնաժողովի կազմում են՝

1. Դոկտ. պրոֆ. Վարապետ Հարությունյան (նախագահ)
2. Ակադեմիկոս, նկարիչ Գրիգոր Խանջյան
3. Դոկտ. պրոֆ. Կոստանդին Հովհաննիսյան
4. Ճարտարապետ Բաղդասար Արզումանյան
5. Ինժեներ Կոստանդին Աթունյան
6. Ակադեմիկոս, դոկտ. պրոֆ. Բաբկեն Առաքելյան
7. Ճարտարապետ Թեման Գևորգյան
8. Մայր Աթոռի գլխ. ճարտարապետ Արծրուն Գալիկյան

Շնորհիվ այդ շինարարական աշխատանքների, անցնող մոտ երեք տասնամյակների ընթացքում Մայր Աթոռում և նրա սահմաններից դուրս վերանորոգվեցին, կառուցվեցին կամ վերակառուցվեցին, վերապարզվեցին Ս. Էջմիածնի Մայր տաճարը, նոր Վեհարանի շենքը, հին Վեհարանի շենքը, միաբանական սեղանատունը, Մայրավանքի նոր վանատունը, Ղապարապատի շենքը, մայրավանքի ողջ շրջափակը, որտեղ և կառուցվեց 1915 թվականի հայկական առաջին ցեղասպանության հուշարձանը, իսկ վերջերս նաև՝ Խրիմյան Հայրիկի հիշատակին նվիրված աղբյուր-հուշակոթողը, վերակառուցվեցին Ս. Հովհաննիսյան, Ս. Գայանե, Ս. Շողակաթ եկեղեցիները, Ս. Գեղարդի և Խորվիրապի վանքերը, Օշականի Ս. Մեսրոպ Մաշտոց, Բջնիի և Սիսիանի եկեղեցիները, Կարապապյանի Ս. Խաչ եկեղեցին, հիմնովին վերակառուցվեց Երեվանի առաջնորդանիստ Ս. Սարգիս եկեղեցին, վերանորոգվեցին նաև Երևանի Ս. ՋորաՎոր, Լենինականի, Կիրովականի, Ստեփանավանի եկեղեցիները, ինչպես նաև Թբիլիսիի, Բաքվի, Մոսկվայի և Ռոստովի հայկական եկեղեցիները:

Վերջին տարիներին արմատապես վերակառուցվեցին և վերանորոգվեցին Երևանի Ս. Գևորգ, Վարդենիսի Ս. Աստվածածին եկեղեցիները, Հրապուհանի եկեղեցին, Արմավիր քաղաքի հայկական եկեղեցին, Էջմիածնի քաղաքի Ս. Աստվածածին եկեղեցին, Ս. Գայանե վանքի բակում կառուցվեց մի գեղեցիկ աղբյուր-հուշարձան և այլն:

Շինարարական այս ձեռնարկումների մեջ առանձնապես հիշատակելի է Բյուրական գյուղում «Հայկաշեն» հայրապետական ամառանոցի կառուցումը, որի հողամասը վերջերս բարեկարգվեց նոր ճանապարհներով:

Կատարված վերոհիշյալ շինարարական աշխատանքների թվում մասնավոր կարևորությամբ պետք է նշել վերջին տարիներին Մայր Աթոռի շրջափակում բարձրացված «Ալեք և Մարի Մանուկյան» գանձատան եռահարկ փառահեղ շենքի կառուցումը՝ հայ հին եկեղեցական արվեստի բազմատեսակ գործերին ու նրանց պահպանմանը հատկացված մի գանձատուն, որի պաշտոնական բացումը տեղի ունեցավ 1982 թվականի հոկտեմբերի 11-ին գանձատան բարերար, Հ. Բ. Ը. Միության ցկյանս նախագահ տիար Ալեք Մանուկյանի ներկայությամբ:

Շինարարական այս աշխատանքների զգալի մասը հնարավոր եղավ

իրագործել շնորհիվ արտասահմանից ստացված նյութական հատկացումների և առանձին նվիրատվությունների:

Երախտագիտությամբ պետք է հիշել այստեղ Մայր Աթոռի հետևյալ բարերարների անունները, որոնք նվիրաբերել են կարևոր գումարներ.

Միացյալ Նահանգներից

Հ. Բ. Ը. Միություն, Ալեք Մանուկյան, Հայկ Գավուքճյան, Էդվարդ Մարտիկյան, Պետրոս և Հմայակ Սարաֆյաններ, Տատուր Տատուրյան, Հերրի Թադոսյան, Ստեփան Տեր-Գրիգորյան, Հերրի Բըրոտ Մովսիսյան, Հրայր Հովնանյան, Հակոբ Տերտերյան, Մարիամ Վիսըս-Նահիկյան, Ստեփան Տեր-Այվապյան, Հայկ Պերպերյան, Սաթենիկ Քյուրքճյան-Կարապետյան:

Ֆրանսիայից

Նուրիան Ֆրենկյան, Արծրուն Ջրբաշյան, Մուշեղ Ճիերճյան, Նապոլեոն Պուլլուքյան, Գևորգ Պազըրճյան, Կարպիս Ջրբաշյան, Կարպիս Ճնկըտըրյան, Մուշեղ Պետրոսյան, Արշամ Պապայան, Սուրեն և Գուրգեն Գործունայններ, Ժիրայր Մանասյան, Ջեփյուռ Մեծպահքյան, Վահրամ Դավիթխանյան, Իջկալացյան ընտանիք, Կարպիս և Սերժ Մանուկյաններ, Տիգրան և Գրիգոր Փուփալյաններ:

Անգլիայից

Աբգարյան Խնամակալություն, Գալուստ Ս. Կյուպենկյան, Սարգիս Քյուրքճյան, Հռիփսիմե Ռոպ-Թրիքի, Պետրոս Ալեքսյան, Կարո Գրիգորյան, Թորոս Պարսամյան, Հարություն Մութաֆյան, Հայկ Գալուստյան, Գևորգ և Հովհաննես Քյուրքճյաններ, Գևորգ Թահթա, Ստեփան Ջարդարյան, Ռաֆիկ Սահակյան, Սեպուհ Ասլանյան:

Արգենտինայից

Հովհաննես և Սարգիս Տիարպեքիրյաններ, Գևորգ Սարաֆյան, Կոպենսիկ Սեֆերյան, Մարթա Տիարպեքիրյան, Էդվարդ Սեֆերյան, Արամ Իսրայելյան:

Իտալիայից

Երվանդ Հյուսիսյան, Ստեփան Սրսայան, Հայկ և Թորգոմ Ղապարոսյաններ, Օննիկ Մանուկյան, Մարի և Ջավեն Մնտիկյան, Հակոբ Թովալյան:

Սիրիայից

Սուրեն Գալենտեր, Լևոն Յագուայան, Գառնիկ Յագուայան:

Լիբանանից

Կրոնասեր Տիկնանց Միություն, Գեղամ և Անգինե Տանձիկյաններ, Սարգիս Սարգիսյան:

Բելգիայից

Ժան Ապաճյան, Մելանկթոն Արսլանյան:

Բրազիլիայից

Գառնիկ Պապարյան:

Ավստրիայից

Ազատ Վարդյան, Արամ Ութունյան:

Ավստրալիայից

Հարություն Ակինյան:

Իրանից

Պապիկ-Թովմաս Թովմասյան:

Իրաքից

Ասողիկ արքեպս. Ղապարյան, Տիրան Օհանյան:

Պորտուգալիայից

«Գալուստ Կյուպենկյան» հիմնարկություն:

Երովայից

Մարտիրոս Տարագճյան, Լևոն Երզնկացյան:

Հունաստանից

Զապել Գալփաքյան:

Վենեսուելայից

Վարդգես Երեցյան:

Շվեյցարիայից

Կարապետ Ղապարյան, Կարապետ Հակոբյան:

Սուդանից

Էդվարդ ձիհերճյան:

Վեհափառ Հայրապետի գործունեության կարևոր օղակներից մեկը եղավ նաև կազմակերպումը Մայր Աթոռի դիվանատան և տնտեսական-ֆինանսական բաժինների, որոնց գործունեությունը օրավուր ընդլայնվեց ու բարեկարգվեց՝ տալով իր դրական արդյունքները: Նորին Արքեպիսկոպոսը գործիմացությամբ հետևեց Մայր Աթոռի բյուջեի, նրա տնտեսական և նյութական միջոցների լիարժեք օգտագործմանը՝ ուշադիր լինելով, որ շնայումներ տեղի չունենան:

Վեհափառ Հայրապետի նախաձեռնությամբ Մայր Աթոռում բացվեցին և սկսեցին կազմակերպված և կանոնավոր կերպով գործել աստղաձագործարանը, ոսկերչական և երկաթագործական արհեստանոցները, ասեղնագործության աշխատանոցը, դերձակատունը մոմաձուլարանը, հին արժեքավոր սրբանկարների վերանորոգման և վերականգման լաբորատորիան, Մայր Աթոռի փոխօրդական միջոցների կենտրոնը (գարաժը)՝ մարդատար և բեռնատար բազմաթիվ ավտոմեքենաներով: Այսպիսով, անցնող շուրջ երեք տասնամյակների ընթացքում Մայր Աթոռը դարձավ կազմակերպված հիմքերի վրա դրված մի լուրջ հաստատություն՝ գործունեության բազմաթիվ բաժիններով: Այսօր Մայր Աթոռի պաշտոնեական, արհեստավորների և բանվորների ընդհանուր թիվը հասնում է 250-ի: Ինչ վերաբերում է Մայր Աթոռի ֆինանսական ներկա դրությանը, ապա կարող ենք գոհունակությամբ արձանագրել այստեղ, որ Մայր Աթոռի ներքին եկամուտը 1982 թվականին եղել է 1.466.000 ռուբլի:

Մայր Աթոռի եկամուտների գլխավոր աղբյուրներն են եղել Մայր տաճաբը, Վալարջապատի վանքերը, Արարատյան հայրապետական թեմը, Ս. Գեղարդի և Ս. Խորվիրապի վանքերը, ինչպես նաև Շիրակի, Վրաստանի և Ադրբեջանի թեմերը:

Վեհափառ Հայրապետի գահակալության ամբողջ շրջանում Ս. Էջմիածնի հոգևոր ձեմարանը եղել է նրա սրտին մոտ հարազատ ուսումնական հաստատություն: Նա միշտ էլ մասնավոր եղածությամբ և ուշադրությամբ է շրջապատել հոգևոր ձեմարանի տեսչությունը, դասախոսական կազմը և ուսանողությունը ոչ միայն որպես Ամենայն Հայոց Հայրապետ, այլ նաև ու մանավանդ, որպես վաստակավոր ուսուցիչ և մանկավարժ, որը երկար տարիներ մանկավարժական, դաստիարակչական հարուստ փորձ է ունեցել հայ կյանքում: Հոգևոր ձեմարանը արավել կազմակերպված և ուսումնական բարձր մակարդակի վրա դնելու նպատակով՝ Հայոց Հայրապետը, իր գահակալության առաջին օրվանից, աշխատեց ուսումնական այդ հաստատությունը ապահովել նրա կարիքները միանգամայն բավարարող թե՛ հոգևորական և թե՛ աշխարհական որակյալ դասախոսներով: Այսօր հոգևոր ձեմարանում պաշտոնավարող դասախոսները, գրեթե առանց բացառության, համալսարանական կենտրոններում և գիտական հաստատություններում իրենց մասնագիտական ուսումնական ստացած անձնավորություններ են: Վեհափառ Հայրապետի բարեհաճ կարգադրությամբ,



ՎԵՀԱՓԱՌ ՀԱՅՐԱՊԵՏԻ ԾՆՆԴՅԱՆ 75, ՔԱՀԱՆԱՅԱԿԱՆ ԿՈԶՄԱՆ 40 ԵՎ
ԳԱՀԱԿԱՂՈՒԹՅԱՆ 28-ԱՄՅԱԿՆԵՐԻ ՆՇՈՒՄԸ ՎԵՀԱՐԱՆՈՒՄ

հատկապես վերջին մեկ-երկու տասնամյակներում, հոգևոր ձեմարանից շրջանավարտ առավել շնորհալի երիտասարդ հոգևորականներն ուղարկվում են Զագորսկ, Փարիզ, Լոնդոն, Վիեննա, Գերմանիա, Աթենք՝ հետևելու բարձրագույն աստվածաբանական ուսման և միաժամանակ յուրացնելու անհրաժեշտ գիտելիքներ օտար լեզուներին:

Վազգեն Ա Հայրապետի օրով հոգևոր ձեմարանը տվել է բազում շրջանավարտներ, որոնցից շատերը այսօր, որպես բարձրաստիճան հոգևորականներ, հովվական, թեմական, քարոզչական ու վարչական պատասխանատու ծառայության են կոչվել ինչպես Մայր Աթոռում, այնպես էլ Հայ Եկեղեցու ներքին և արտասահմանյան թեմերում:

Հայոց Հայրապետը հայ ժողովրդի կրոնա-բարոյական ու ազգային-հայրենասիրական դաստիարակության գործում նշանակալից և պատասխանատու դեր է վերապահել նաև իր անմիջական հսկողության և ղեկավարության ներքո հրատարակվող Մայր Աթոռի պաշտոնաթերթ «Էջմիածին» ամսագրին: Ամսագրի էջերում հեղինակությամբ և ձեռնհասությամբ շոշափված ու պարզաբանված են հայ ազգային-եկեղեցական կյանքի բազմաթիվ և բազմատեսակ հարցեր:

1960 թվականին Վազգեն Ա Հայրապետի նախաձեռնությամբ և Միացյալ Նահանգների հայ հավատացյալ ժողովրդի նվիրատվությամբ Մայր Աթոռի հողամասի վրա բացվեց Մայր Աթոռի նոր տպարանը, որտեղ հրատարակվում են «Էջմիածին» ամսագիրը, Մայր Աթոռի տարեկան օրացույցը, Հայոց Հայրապետի արտասահմանյան ուղևորություններին նվիրված հատորները, ինչպես նաև կրոնական, պատմական և հայագիտական բազմաթիվ գրքեր:

Վեհափառ Հայրապետի նախաձեռնությամբ և հսկողությամբ կատարվեցին նաև հայերեն և օտար լեզուներով «Հայկական եկեղեցիներ» (1970 թ.), «Հայկական խաչքարեր» (1973 թվականին՝ առաջին հրատարակություն, 1978 թվականին՝ երկրորդ հրատարակություն) և «Ս. Էջմիածին» (1981 թ.) գեղարվեստական բարձր ճաշակով պատրաստված ալբոմների հրատարակությունները 50.000 օրինակ տպաքանակով:

Մայր Աթոռի մշակութային հրատարակչական ձեռնարկումների մեջ կարևոր տեղ են գրավում նաև հետևյալ հրատարակությունները.

1978—1979 թվականներին լույս տեսան «Ս. Էջմիածին», «Ս. Գեղարդ», «Ս. Հռիփսիմե» վանքերին և Երևանի Ս. Սարգիս եկեղեցուն վերաբերող գունավոր գրքույկները: 1981 թվականին արտասահմանում գեղարվեստական շքեղ հրատարակությամբ լույս տեսավ Երուսաղեմի հայոց Պատրիարք Տ. Եղիշե արքեպիսկոպոսի (Եղիվարդ) «Լուսամատյան» խորագիրը կրող հատորը գունավոր նկարներով, 8000 օրինակ տպաքանակով:

Նույն թվականին Մայր Աթոռի նախաձեռնությամբ և Աստվածաշնչի Միացյալ Ընկերության հրատարակությամբ լույս տեսավ «Նոր Կտակարան»-ի արևմտահայերեն նոր թարգմանությունը 20.000 օրինակ տպաքանակով: Այն նախատեսված է սփյուռքի հայության համար:

1982 թվականին Մայր Աթոռի տպարանից լույս տեսավ «Նոր Կտակարան»-ի ժամանակակից արևելահայերեն գրական լեզվով կատարված նոր թարգմանության երրորդ վերանայված հրատարակությունը 20.000 օրինակ տպաքանակով:

Մայր Աթոռի տպարանում են հրատարակվել նաև «Վազգեն Ա Հայրապետ Հայոց» շարքի հաջորդական երեք հատորները, իսկ բոլորովին վերջերս լույս տեսավ նույն շարքի չորրորդ նկարազարդ հատորը՝ 4000 օրինակ տպաքանակով:

Շուտով հրատարակության կհանձնվի Մայր Աթոռի նախաձեռնությամբ պատրաստված գունավոր ալբոմը՝ «Գանձեր Ա. Էջմիածնի», որը լույս կտեսնի առաջիկա տարի 20.000 օրինակ տպաքանակով:

Ընթացքի մեջ է «Հին Կոսկարան»-ի նոր թարգմանությունը արևելահայ գրական լեզվով: Թարգմանությունը կատարվում է Աստվածաշնչի գրաբար բնագրից հայրենի մի խումբ նրիտասարդ գիտնականների հավաքական ուժերով: Ամենայն հավանականությամբ այն կավարտվի առաջիկա մեկ-երկու տարիների ընթացքում, կիսմագրվի և այսպիսով կատարված կլինի Վեհափառ Հայրապետի ցանկությունը՝ հայրենի ընթերցողներին տալ Աստվածաշնչի ամբողջական թարգմանությունը ժամանակակից արևելահայերեն գրական լեզվով:

Հայոց Հայրապետի մշակութային գործունեության մեջ կարևոր տեղ են գրավում նաև Մայր Աթոռում եկեղեցական արվեստի թանգարանների կազմակերպումն ու հարստացումը, հայկական հին ձեռագրերի, հնատիպ գրքերի, սրբանկարների, հին դրամների, հայկական ասեղնագործությունների, գորգերի, եկեղեցական սպասների և հնագիտական ու գեղարվեստական արժեք ներկայացնող այլ իրերի ձեռքբերումն ու պահպանումը:

Մայր Աթոռի մշակութային նախաձեռնությունների թվում հիշատակության արժանի են եկեղեցական, ազգային, մշակութային կարևոր իրադարձությունների և հիշարժան տարեթվերի ոգեկոչումները, որոնք անցնող 28 տարիների ընթացքում տեղի ունեցան Մայր Աթոռում հոբելյանական հանդիսություններով և համազգային մեծ շուքով:

Վաղգեն Ա Հայրապետի շուրջ երեսնամյա գործունեության մեջ կարևոր տեղ է գրավում աշխարհի խաղաղության պահպանման և ամրապնդման գործին նրա բերած եռանդուն մասնակցությունը: Խաղաղության ի նպաստ Նորին Սրբության կատարած աշխատանքները լիովին համապատասխանում էին Հայ Եկեղեցու ավետարանական ոգուն և հայ ժողովրդի ու մայր հայրենիքի կենսական շահերին:

Դեռևս 1961 թվականին Պրագայում գումարված խաղաղության պաշտպանության համաքրիստոնեական կոնֆերանսում Հայոց Հայրապետը իր արտասանած ճառում վեր էր հանում խաղաղության գաղափարը որպես քրիստոնեության գերագույն պատգամ՝ նշելով. «Խաղաղության իդեալը մի ամբողջ գաղափարաբանություն է, մարդկային կյանքը ապրելու և գործելու մի աշխարհայացք՝ էապես քրիստոնեական: Կարելի չէ խաղաղության իդեալը անջատել Քրիստոսի Ավետարանից: Եվ առանց խաղաղության ճշմարիտ խոսքի և կենդանի գործի, դժվար թե կարողանայինք Քրիստոսի հետևորդներ կոչվել: Քրիստոնեությունը ինքը խաղաղության մի առաքելություն է մարդկային աշխարհում: Ընդդիմանալ պատերազմին՝ նշանակում է հպատակվել Աստուծո կամքին»: Ահա այս հավատքով և քրիստոնեական ճշմարիտ ոգով, ավելի քան քառորդ դար շարունակ, Հայոց Հայրապետը իր հեղինակավոր ձայնն է բարձրացրել խաղաղության միջազգային ժողովների և համագումարների բեմերից՝ Երևանում, Մոսկվայում, Թբիլիսիում, Պրագայում, Հելսինկիում, Բեռլինում և այլուր՝ ի խնդիր խաղաղության, ի խնդիր պինդապինդ, ի խնդիր ժողովուրդների բարեկամության և պետությունների միջև խաղաղ, համերաշխ գործակցության:

Խաղաղության պաշտպանության գործին իր բերած կարևոր ավանդի համար և իր ծննդյան 60 և 70-ամյակների առիթով սովետական կառավարությունը Հայոց Հայրապետին պարգևատրեց «Պատվո նշան» և «Ժողովուրդների Բարեկամության» շքանշաններով: Իսկ վերջերս իր ծննդյան 75-ամյակի առթիվ

Վեհափառ Հայրապետը արժանացավ Սովետական Հայաստանի Հանրապետության Գերագույն սովետի նախագահության պատվոգրին:

Արդի ժամանակաշրջանը քրիստոնեական քույր Եկեղեցիների միջև եղբայրական կապերի և ի Բրիստոս սիրո, միության ու համագործակցության ժամանակաշրջանն է:

Հայ Եկեղեցին, հավատարիմ իր նախնիներից ժառանգած քրիստոնեական լայնախոհ ոգուն, ներկա ժամանակաշրջանում ևս շարունակեց և առավել սերտացրեց իր եղբայրական, հարաբերությունները քույր Եկեղեցիների հետ Եկումենիկ ոգով:

1962 թվականին Վազգեն Ա Հայոց Հայրապետի ցանկությամբ և օրհնությամբ Հայ Եկեղեցին անդամակցվեց Եկեղեցիների Համաշխարհային խորհրդին, իսկ ավելի ուշ՝ Եվրոպական Եկեղեցիների Կոնֆերանսին, ինչպես նաև Խաղաղության Քրիստոնեական Կոնֆերանսին՝ առաջնորդված տարբեր դավանություն ունեցող Եկեղեցիների միջև բարեկամական անկեղծ կապեր և համագործակցություն հաստատելու մտածումով: Հայ Եկեղեցին իր պատմության դառն փորձով գիտի, որ անհնար է Եկեղեցիների միության իրականացումը եկեղեցական որոշ Աթոռների իշխանության տարածումով այլ Եկեղեցիների վրա, ինչ ձևով էլ այդ լինի: Հայ Եկեղեցին դավանում է քրիստոնյա Եկեղեցիների միությունը՝ Ս. Ավետարանն ընդունելով իբրև հաստատուն վեմ, և քրիստոնեական ընդհանուր Եկեղեցին՝ իբրև կենդանի մարմին, որոնց գլուխն է զանկում ինքը՝ Քրիստոս: Ահա այս ըմբռնումով մեր Եկեղեցին, Հայոց Հայրապետի գահակալության քսան և ութ տարիների ընթացքում, մասնակցեց ԱՄՆ-ի ազգային Եկեղեցիների համաժողովին (1957 թ.), Եկեղեցիների Համաշխարհային խորհրդի երրորդ (1961 թ. Նյու-Դելիի), չորրորդ (1968 թ. Ուփսալա), հինգերորդ (1975 թ. Նայրոբի) և վեցերորդ (1983 թ. Վանկովեր) համագումարներին, Համա-օրթոդոքս Եկեղեցիների Հռոդոսի ժողովին (1962 թ.), Մոնրեալի «Հավատ և կարգի» չորրորդ ժողովին (1964 թ.), Արևելյան Ուղղափառ հինգ Եկեղեցիների պետերի՝ Ադիս Աբեբայի համագումարին, վերջին տասնամյակներում նաև Եվրոպական Եկեղեցիների Կոնֆերանսի և Խաղաղության Քրիստոնեական Կոնֆերանսի համաժողովներին և այլն:

Այնուհետև Հայ Եկեղեցին, Վազգեն Ա Կաթողիկոսի հրահանգով, որպես դիտորդ, մասնակցեց Վատիկանի Բ ժողովին (1963—1965 թվականներին):

Անցնող 28 տարիների ընթացքում Հայոց Հայրապետի և քույր Եկեղեցիների պետերի միջև կատարվեցին փոխայցելություններ Եկումենիկ ոգով, որոնք խորացրին և ամրապնդեցին Հայ Եկեղեցու եղբայրական կապերը քույր Եկեղեցիների հետ: Այս նպատակով Մայր Աթոռ այցելեցին, ի գլուխ եկեղեցական

պատվիրակությունների, Ռուս Պրավոսլավ Եկեղեցու պետեր՝ հանգուցյալ Ս. Ալեքսի և այժմյան Համայն Ռուսաց Ս. Պիմեն պատրիարքները, Վրաց Օրթոդոքս Եկեղեցու հանգուցյալ Ս. Մելքիսեդեկ Գ, Ս. Եփրեմ Բ, Ս. Դավիթ Ե և այժմյան Ս. Իլիա Բ պատրիարք-կաթողիկոսները, Ռումինիայի հանգուցյալ Ս. Ժուստինիան պատրիարքը, Բուլղարիայի հանգուցյալ Ս. Կիրիլ և այժմյան Ս. Մաքսիմ պատրիարքները, Վատիկանի Քրիստոնյաների միության քարտուղարության նախագահ կարդինալ Ժան Վիլբրանդսը (երկու անգամ), Կ. Պոլսի Տիեզերական պատրիարքության ներկայացուցիչ Ս. Էմիլիանոս Դիմիտրիադիս միտրոպոլիտը, Ղազախստանի Ուղղափառ Եկեղեցու պատրիարք Ամբաստանապետ Երրորդը, Ալեքսանդրիայի և Համայն Աֆրիկայի Հույն Օրթոդոքս Եկեղեցու պատրիարք Նիկողայոս Զ-ը, Եթովպական Ուղղափառ Եկեղեցու պատրիարք Աբբա Թեքլե Հայմանոթը, Ալուիոքի և Համայն Արևելքի Հույն Օրթոդոքս Եկեղեցու

Տ. Իզնատիոս Դ պատրիարքը, Դամասկոսի Տ. Իզնատիոս Զաքարյան պատրիարքը, Լիբանանի Հայ կաթողիկոս համայնքի հանգուցյալ Տ. Իզնատիոս-Պետրոս Բաթանյան պատրիարքը, Հնդկաստանի Արևելյի Մալաբար Եկեղեցու Տ. Բասիլիոս Մար Թոմա Մատթեոս Առաջին կաթողիկոսը, Քեյթրերբրի արքեպիսկոպոսներ և Համայն Անգլիկայի եպիսկոպոսներ Ֆրեդերիկ Դոնալդ Կոզանը և Ռոբերտ Ռենսին, Վիեննայի արքեպիսկոպոս կարդինալ Ֆրանց Բունիցը, Եկեղեցիների Համաշխարհային խորհրդի գլխավոր քարտուղարներ դոկտ. Վիսենտ Հուֆթը, դոկտ. Էուժեն Բյեկը և դոկտ. Ֆիլիպ Փոթերը, ԱՄՆ-ի Եկեղեցիների Ազգային խորհրդի նախագահ դոկտ. Միլլերը, Հեսսեն Նասաու նահանգի (ԳՖՀ) Ավետարանական-Լութերական համայնքի նախագահ դոկտ. Մարտին Նիմյուլերը, Եվրոպական Եկեղեցիների Կոնֆերանսի գլխավոր քարտուղար դոկտ. Կլեն Գարֆիլդ Վիլամսը, Քրիստոնեական Եկեղեցիների Կոնֆերանսի գլխավոր քարտուղարներ դոկտ. Կարոլի Տոթը և դոկտ. Լուրմանը Մյունխենի և այլ եկեղեցական բարձրաստիճան դեմքեր:

Նույն տարիներին Վազգեն Ա կաթողիկոսը ջերմ հարաբերություններ հաստատեց նաև կրոնական այլ համայնքների հոգևոր պետերի, այդ թվում՝ Անդրկովկասի և Ադրբեջանի մուսուլմանների կրոնական վարչության պետ Շեյխ Ու Իսլամ Հաքիմ Զադե Դեբիրովի, Միջին Ասիայի Շեյխ Ու Իսլամ Բաբախանովի, ինչպես նաև Հորդանանի, Դամասկոսի և մահմեդական այլ կրոնապետների հետ:

Բացառիկ նշանակություն ունեցան Հայոց Հայրապետի փոխադարձ հաճախակի այցելությունները ռուսաց Տ. Ալեքսի և Տ. Պիմեն պատրիարքներին:

Նույնքան կարևոր պատմական նշանակություն ունեցան Նորին Արքեպիսկոպոսի մի շարք ողևորությունները արտասահման և պաշտոնական այցելությունները քույր Եկեղեցիների պետերին: Այսպես՝ 1961 թվականին նրա այցելությունները Կ. Պոլսում Հունաց Տ. Աթենագորաս Տիեզերական պատրիարքին, Ռոմեն Օրթոդոքս Եկեղեցու պետ Տ. Ժուստինիան և ապա Տ. Ժուստին պատրիարքներին, Հնդկական Մալաբար Եկեղեցու կենտրոն Քոթայամ (1963 թ.), Եթովպական Եկեղեցու կենտրոն Ադիս Աբեբա, Անգլիկան Եկեղեցու կենտրոն Լամբեթ պալատ (1956, 1963, 1975 և 1983 թթ.), ԵՀԽ-ի կենտրոն Ժնև (1963 և 1978 թթ.) այնուհետև նրա հանդիպումները Կիևի, Լենինգրադի, Միլանի, Վենետիկի, Փարիզի, Մարսելի, Լիոնի, Պորտուգալիայի, Վիեննայի, Բավարիայի միտրոպոլիտների, կարդինալների, արքեպիսկոպոսների և քույր Եկեղեցիների այլ բարձրաստիճան հոգևորականների հետ:

Պատմա-եկեղեցական բացառիկ նշանակություն ունեցավ 1970 թվականի մայիսին Հայոց Հայրապետի չորսօրյա այցելությունը Վատիկան՝ Պողոս Զ Հռոմի սրբապան Պապին, որպես նրա պաշտոնական հյուրը: Այս առթիվ Վեհափառ Հայրապետին ընկերակցում էր Հայ Եկեղեցու նվիրապետական մյուս Աթոռների գահակալներից և բարձրաստիճան հայ հոգևորականներից բաղկացած մի մեծ շքախումբ:

Մայիսի 10-ին, կիրակի օրը, Հռոմի Սուրբ Պետրոս տաճարում հանգուցյալ Պողոս Զ սրբապան Պապը, ողջունելով Ամենայն Հայոց Կաթողիկոսին, ասում էր. «Մենք այսօր պատիվը և ուրախությունն ունենք մեր մեծ ունենալու բացառիկ մի հյուրի՝ Ամենայն Հայոց Կաթողիկոս Վազգեն Ա-ին, որը եկել է Սուրբ Էջմիածնից՝ Հռոմի Եկեղեցուն բերելու ողջույնը Հայաստանյայց փառալուր Եկեղեցու, որն այնքան հաբուստ է սրբերով և մարտիրոսներով»:

Հայոց Հայրապետը, որպես Եկեղեցիների համագործակցության և ի Բրիտոս ապագա միության իդեալի ջատագով, բազմիցս հանդես է եկել ճա-

ռնրով, քարոզներով, կոնդակներով՝ վեր հանելով էկումենիկ շարժման և Եկեղեցիների միության կարևորությունը արդի ժամանակներում: Ահա թե ինչպես է բանաձևել նա միության շարժման մասին իր ըմբռնումը 1965 թվականի հունիսին Եկեղեցիների միության հարցի վերաբերյալ հրապարակած իր կոնդակում. «Մեր օրերում, Եկեղեցիներու միության գաղափարը և առաջադրանքը պետք է բանաձևել իբրև միություն մը Քրիստոսի սիրուն մեջ, եղբայրական հարաբերությանց մշակումով ու սերտ գործակցությամբ, ամեն Եկեղեցի պահելով իր դավանաբանական մտածելակերպը, իր ավանդությունները և իր ինքնագլուխ անկախ ղեկավարությունը»:

1969 թվականին Ս. Էջմիածնի և քույր Եկեղեցիների միջև հարաբերությունները սերտացնելու համար Վապգեն Ա կաթողիկոսի նախաձեռնությամբ Մայր Աթոռում ստեղծվեց միջեկեղեցական հարաբերությունների հատուկ բաժին:

Հայաստանյայց Առաքելական Եկեղեցին գլխավորում է Սուրբ Էջմիածնի Ամենայն Հայոց Հայրապետությունը: Ս. Էջմիածնի Ամենայն Հայոց Հայրապետությունը, Հայ Եկեղեցու նվիրապետական մյուս Աթոռները և ազգային-եկեղեցական թեմերը կապմուն են օրգանական նվիրապետական անքակտելի մի միություն: Այդ միությամբ էլ բնորոշվում է Հայ Եկեղեցու ազգային-եկեղեցական միությունը:

Տխուր և ճակատագրական է եղել բախտը այն թեմերի, որոնք պատմության ընթացքում խզել կամ թուլացրել են իրենց կանոնական կապը Հայ Եկեղեցու կենտրոն Մայր Աթոռ Ս. Էջմիածնի հետ: Ահա թե ինչու Հայ Եկեղեցու թեմերի կապակերպումը և կանոնական կապը Ս. Էջմիածնի հետ Վապգեն Ա կաթողիկոսի ուշադրության կենտրոնում է եղել հենց սկզբից:

Մենք մեր պատմական դժխեմ ճակատագրի բերումով ցրված ենք աշխարհով մեկ, բայց միացած ենք Ս. Էջմիածնի խորհրդով և աստվածային օրհնությամբ: Ս. Լուսավորչի Աջի պորությունն է, որ Էջմիածնի Ամենայն Հայոց Հայրապետության Աթոռի հետ միացնում է բոլոր հայերին, մեր նվիրապետական Աթոռներն ու եկեղեցական բոլոր թեմերը՝ կապմելով այսպես հոգևոր մի ռազմի և միակրոն: Այսպես է եղել գրեթե միշտ մեր պատմության ողջ ընթացքում:

Մինչև 1956 թվականը Մայր Աթոռի և Անթիլիասի Կիլիկյան Աթոռի փոխհարաբերությունները գտնվում էին եղբայրական սիրովոր հողի վրա: Ամեն տեղ հաստատվել էր կանոնական գետնի վրա եկեղեցական միասնություն և ազգային միաբանություն: Այս սիրո հարաբերություններն ու ներդաշնակ գործակցությունը, սակայն, խանգարվեցին 1956-ից հետո, որովհետև Անթիլիասի Տանն Կիլիկյան Աթոռը ոչ օրինական կերպով իշխանությունը սկսեց տարածել պատմականորեն Էջմիածնի Մայր Աթոռի իրավասության ներքև գտնվող Պարսկաստանի, Հունաստանի և Միացյալ Նահանգների հայ եկեղեցական համայնքների վրա՝ ստեղծելով բաժանումներ արտասահմանի հայ հավատացյալ ժողովրդի ծոցում: Հուսով ենք, որ այս անբաղձալի կացությունը կվերացվի վերականգնումով մինչ 1956 թվի օրինական դրության:

Վեհափառ Հայրապետի գահակալության առաջին օրերից նրան հետաքրքրող կարևոր հարցերից մեկն է եղել Մայր Աթոռ Ս. Էջմիածնի կապը Հայ Եկեղեցու նվիրապետական տեղական Աթոռների և հայրենիքի ու սփյուռքի տիրախնամ բոլոր թեմերի հետ:

Հայ ժողովուրդը ուր էլ որ գտնվել է, աշխարհի որ ծայրում էլ նրան նետել է տխուր ճակատագիրը, նա Սուրբ Էջմիածնի հարապատ կավակն է մնացել: Հայ Եկեղեցու և ժողովրդի պատմությունը ճշմարտապատում վկայություն

է այն բանի, որ, վաղ թե ուշ, Ս. Էջմիածնից շնչառվածներին սպասում է ալգային դիմադրկման անփառունակ վախճանը: Մայր Աթոռի և մեր եկեղեցական թեմերի միասնության իմաստուն քաղաքականության անշեղ կենսագործումով միայն կարելի է պահպանել Հայ Եկեղեցու կենսունակությունը և ապահովել նրա դարավոր գոյությունը:

Ահա այս առողջ և լուսավոր մտածումներով առաջնորդված՝ Հայոց Հայրապետը իր գահակալության առաջին տարիներից սկսեց իր հովվապետական այցելությունների շարքը դեպի Հայաստանյայց Եկեղեցու մոտիկ ու հեռավոր թեմերը: Նա եղավ ամեն տեղ իր սրտով, իր մոգով, իր խորհուրդներով: Նա սելյուզի իր հայրենակարոտ և հավատացյալ ժողովրդի ծոցում հայտնվեց որպես մեր օրերի մի նոր Մովսես և իր հավատքի ջերմությամբ, լավատեսությամբ, հսրենաշունչ պատգամներով, Սուրբ Էջմիածնի օրհնությամբ և խորհրդով ջերմացրեց, բոցավառեց ու լուսավորեց իր տարագիր պավակների հոգիները: Սելյուզի հայությունը Հայոց Հայրապետի օրհնաբեր այցելություններով հասկացավ, որ ինքն այլևս անտերունչ, թափառական ու լքված մի խլյակ չէ օտարության մութ ու ամայի ճամփաների վրա՝ ենթակա ճակատագրի տխուր հարվածներին, այլ նա ունի հայրենիք, պետականություն, որի խաղաղ ու ապահով հովանու ներքո մի նոր վերապարթոնք է ապրում մեր ժողովուրդը և նրա հավատքի կենտրոն Մայր Աթոռ Ս. Էջմիածինը: Այսպիսով, Հայոց Հայրապետի հովվապետական բազում այցելությունները տարբեր տարիներին դեպի սելյուզի գանապան գաղթօջախները, ինչպես նաև հայրենական ու ներքին թեմերը ունեցան մեր ժողովրդի տարանջատ բեկորները ի մի ձուլող, նրանց հոգիները մայր հայրենիքի և Ս. Էջմիածնի շուրջ կենտրոնաձգող բարերար մեծ ազդեցություն:

1956—1983 թվականների ընթացքում Վազգեն Ա Կաթողիկոսը սովելի քան 25 հովվապետական ուղևորություններ է կատարել մեր ներքին և արտասահմանյան թեմերը: Այդ ուղևորությունների ժամանակ նա եղել է մեր նվիրապետական մյուս երեք Աթոռներում՝ Անթիլիասում, Երուսաղեմում և Կ. Պոլսում, եղել է թեմական մեր գրեթե բոլոր կենտրոններում՝ Հնդկաստանից մինչև Եվրոպա, Մերձավոր Արևելքից մինչև Ատլանտյանի ու Խաղաղականի ավերոր՝ բաշխելու Ավետարանի լույսը և Ս. Էջմիածնի օրհնությունը:

Իր արտասահմանյան ուղևորությունների ժամանակ Հայոց Հայրապետը պարտականություն է համարել միշտ այցելել տվյալ երկրի պետական ղեկավարներին՝ հայանելու համար Մայր Աթոռի երախտագիտությունը այդ երկրների կառավարություններին և ժողովրդին՝ հայ ժողովրդի տարասպիտու պավակների հանդեպ ցույց տրված ասպնջականության և հովանավորության համար:

Ստորև ժամանակագրական կարգով ներկայացնում ենք Վազգեն Ա Կաթողիկոսի ունեցած պաշտոնական հանդիպումները տարբեր երկրների պետական և քաղաքային իշխանության ղեկավարների և բարձրաստիճան անձանց հետ:

1. 1956 թվականի փետրվարին՝ Լիբանանի Հանրապետության նախագահ Քամիլ Շամունի հետ:
2. 1956 թվականի փետրվարին՝ Եգիպտոսի հանրապետության նախագահ Գամալ Աբդել Նասերի հետ:
3. 1956 թվականի ապրիլին՝ Ֆրանսիայի Հանրապետության արտաքին գործերի մինիստր Քրիստիան Պինոյի հետ:
4. 1956 թվականի մայիսին՝ Ֆրանսիայի Հանրապետության նախագահ Ռընե Կոտիի հետ:

5. 1956 թվականի մայիսին՝ ՍՍՀՄ Մինիստրների խորհրդի նախագահ մարշալ Ն. Ա. Բուլգանինի հետ:
6. 1958 թվականի հունիսին՝ Նեպոլի թագավոր Նորին Մեծություն Սա-հենդրա Բիր Բիքրան Շահ Դեանի հետ:
7. 1960 թվականի օգոստոսին՝ Արգենտինայի Հանրապետության նա-խագահ Ֆրոնտիսիի հետ:
8. 1960 թվականի օգոստոսին՝ Բրազիլիայի Հանրապետության պրեզի-դենտ դոկտ. Գուբիշեկի հետ:
9. 1960 թվականի օգոստոսին՝ Ուրուգվայի Հանրապետության նախա-գահ Նորին Վեսմություն Նարդոնեի հետ:
10. 1960 թվականի սեպտեմբերին՝ Պորտուգալիայի Հանրապետության նախագահ Ամերիկո Թոմայի և վարչապետ Անտոնիո Օ. Սալապարի հետ:
11. 1960 թվականի սեպտեմբերին՝ Ֆրանսիայի արտաքին գործերի մի-նիստր Կլոդ դը Մյուրվիլի հետ:
12. 1960 թվականի հոկտեմբերին՝ ՍՍՀՄ Մինիստրների խորհրդի նա-խագահի առաջին տեղակալ Ա. Ն. Կոսիգինի հետ:
13. 1961 թվականի հուլիսին՝ Թուրքիայի Հանրապետության նախագահ պորավար Ջեմալ Գյուրսելի հետ:
14. 1963 թվականի հոկտեմբերին և
1975 թվականի հուլիսին՝ Հորդանանի Հուսեյն Ա թագավորի հետ:
15. 1963 թվականի նոյեմբերին՝ Հնդկաստանի Հանրապետության նա-խագահ յոկտ. Ռադհակրիշնայի և վարչապետ Ջավահարլալ Ներուի հետ:
16. 1965 թվականի հունվարին՝ Եթովպիայի Հայլե Սելասիե Ա կայսեր հետ:
17. 1966 թվականի հուլիսին՝ Ավստրիայի Հանրապետության նախագահ Ֆրանց Յոնասի հետ:
18. 1967 թվականի հուլիսին՝ Ժնևի կանտոնի Պետական խորհրդի նախա-գահ Անդրե Շավանի հետ:
19. 1968 թվականի ապրիլին՝ Նյու Յորքի քաղաքապետ Ջոն Ֆ. Լինտսիի հետ:
20. 1968 թվականի մայիսին՝ Մոնտեբելլոյի քաղաքապետ Դեյվիդ Ջիմմե-րի հետ:
21. 1968 թվականի հունիսին՝ Քվեբեկի վարչապետ Դանիել Ջոնսոնի և Կանադայի կառավարիչ պորավար Ռոնալդ Միչների հետ:
22. 1968 թվականի հունիսին՝ Արգենտինայի Հանրապետության նախա-գահ գեներալ Կառլոս Օնգանիայի հետ:
23. 1968 թվականի հուլիսին՝ Ուրուգվայի պառլամենտի նախագահ և Հանրապետության փոխնախագահ Ալբերտոյի հետ:
24. 1968 թվականի հուլիսին՝ Սան Պաուլոյի կառավարիչ-նահանգապետ Ռոբերտո Սուրենի հետ:
25. 1968 թվականի հուլիսին՝ Բրազիլիայի Հանրապետության նախագահ մարշալ Կոստան Սիլվայի հետ:
26. 1970 թվականի մայիսին՝ Լիոնի նահանգապետ Մաքս Մուլենի հետ:
27. 1970 թվականի մայիսին՝ Մարսելի քաղաքագլուխ Գաստոն Դեֆերի հետ:
28. 1970 թվականի հունիսին՝ Պորտուգալիայի Հանրապետության նախա-գահ Ամերիկո Թոմասի և վարչապետ Մարչելլո Կայետանոյի հետ:

29. 1970 թվականի հունիսին՝ Ֆրանսիայի Հանրապետության նախագահ Ժորժ Պոմպիդուի հետ:
30. 1975 թվականի մայիսին՝ Բուլղարիայի Ժողովրդական Հանրապետության նախագահի տեղակալ պորավար Միխայլովի հետ:
31. 1975 թվականի հունիսին՝ Հորդանանի գահաժառանգ Հասան իշխանի հետ:
32. 1978 թվականի հունվարին՝ Իրաքի կառավարության արդարադատության մինիստր Էլ Շավիի հետ:
33. 1979 թվականի մայիսին՝ Մարսելի նահանգապետ Լյուսիեն Վոշելի հետ:
34. 1979 թվականի մայիսին՝ Լիոնի նահանգապետ Օլիվիե Ֆիլիպի հետ:
35. 1979 թվականի հունիսին՝ Ֆրանսիայի Հանրապետության նախագահ Վալերի Ժյուսկար դ'Էստենի հետ:
36. 1979 թվականի հունիսին՝ Փարիզի քաղաքապետ Ժակ Շիրակի հետ:
37. 1981 թ. ապրիլին՝ Ավստրիայի հանրապետության նախագահ Ռուդոլֆ Բիրխշլեյերի հետ.
38. 1981 թվականի ապրիլին՝ Ավստրիայի արտաքին գործերի մինիստր Վիլհելմ Փահլերի հետ:
39. 1981 թվականի մայիսին՝ Գերմանիայի Բավարիա նահանգի փոխվարչապետ դոկտ. Հիլդեր Մայերի հետ:
40. 1981 թվականի մայիսին՝ Ֆրանկֆուրտի փոխվարչապետ Գերհարդի հետ:
41. 1983 թվականի մայիսին՝ Ֆրանսիայի ներքին գործերի մինիստր Գաստոն Դեֆերի հետ:

Հայոց Հայրապետի արտասահմանյան ուղևորության օրերը սփյուռքի մեր ազգային-եկեղեցական կյանքի տարեգրության մեջ կմնան հավետ հիշատակելի և պատմական իրադարձություններ:

Այստեղ առանձին գոհունակությամբ ուզում եմ արձանագրել, որ զսիակալության իր 28 տարիների ընթացքում Վեհափառ Հայրապետը մշտապես վստել է հույժ բարյացակամ և հարգալից վեոաբերմունքը Հայաստանի բարեխնամ կառավարության: Նորին Սրբությունը եկեղեցական վանական հարցերի կապակցությամբ բավմիցս հանդիպումներ է ունեցել Հայաստանի Գերագույն սովետի նախագահության նախագահների և Հալկ. ՍՍՀ Մինիստրների խորհրդի նախագահների հետ:

Այս հանդիսավոր պահին պարտականությունն ունենք մեր խորին երախտագիտությունն ու շնորհակալ պգացումներն արտահայտելու մեր հայրենի բարեխնամ կառավարությանը, ինչպես նաև Սովետական Միության կառավարությանը և կրոնական գործերի խորհրդին՝ Ս. Էջմիածնի և Հայոց Հայրապետի գործունեության նկատմամբ նրանց ցուցաբերած բարյացակամ, ուշադիր վերաբերմունքի և բարոյական օժանդակության համար:

Միրելի հորեցար Հայրապետ, խորագույնս գնահատելով Ձեր երկարամյա անխոնջ վաստակը ի պայծառություն Հայաստանյայց Առաքելական Եկեղեցու և Մայր Աթոռ Ս. Էջմիածնի, և որպես ուղեցույց ունենալով Ձեր ուսանելի կյանքի պայծառ օրինակը, հանուն Գեոագույն Հոգևոր խորհրդի և հանուն Մայր Աթոռի իմ միաբանակից եղբայրների, որդիական երախտագետ սրտով շնորհավորում եմ Ձեզ Ձեր եռյակ հորեյանների առթիվ՝ մաղթելով Ձերդ Սրբությանը քաջամուղջ և արևշատ տարիներ, արդյունաշատ երջանիկ հովվապետություն Լուսավորչի Գահի վրա ի պսակումն հայրենաշեն և եկեղեցանվեր Ձեր բոլոր մտուհղացումների:

Ես ցանկանում եմ իմ քույրն ավարտել հայրապետական մաղթերգի ծանոթ բառերով.

«Ամեն հայի սրտից բխած,
Լսիր այս ձայն, ո՛վ Աստված,
Երկար կյանք տուր հայրապետին,
Երկար օրեր՝ Հայոց Հոր:
Տե՛ր, անսասուն պահիր դու միշտ
Քո իսկ հիմնած Մայր Աթոռ»:

Տ. ՇՆՈՐՀԷ ՊԱՏՐԻԱՐԺԻ ՈՂՋՈՒՅՆԻ ԽՈՍՔԸ

Այս հանդիսավոր առիթով բեմ կբարձրանանք՝ բեռնավորված քաղցր կրկնակ պարտականություններով: Նախ, որպես Պատրիարք հայոց Թուրքիո, Մեզ հետ կբերենք որդիական սերը, հավատարմության զգացումները և խորագույն հարգանքն իմ ժողովուրդիս՝ Թուրքիո համայն հայության: Թե՛ անոնց, որոնք կբնակին արևմտահայության երբեմնի կրոնական ու մշակութային կեդրոն Կ. Պոլսո մեջ, և թե՛ անոնց, որոնք ցրված կապրին Փոքր Ասիո ամբողջ տարածքին վրա, իբրև մեր ժողովուրդի մնացորդացը:

Կարոտով կհիշենք, Վեհափառ Տեր, Ձեր պատմական այցելությունը Թուրքիա, 1961 թվականի հուլիսին, թե՛ գլխավորելու համար Մեր նախորդին՝ Խաչատուրյան երանաշնորհ պատրիարքի հուղարկավորությունը, և թե՛ մխիթարելու և սրտապնդելու Ձեր վշտահար թրջահայ զավակները, իբրև Հայր հոգևոր:

Այս հանդիսավոր առիթով Մենք կբերենք մեր ժողովուրդի սրտագին շնորհավորությունները Վեհիդ, եռյակ տարեդարձներու առիթով, ու կմաղթենք, որ Տերը ևս առավել երկար ընե Վեհիդ կյանքին տարիները՝ շարունակելու իր ծառայությունը Աստուծո և ազգին նույն և առավել արդյունավորությամբ:

Մեր ուսերուն վրա դրված է նաև քաղցր պարտականությունը թարգման հանդիսանալու մեր ամբողջ հոգևորական դասու մտածումներուն ու զգացումներուն:

Նշելի պարագա մըն է, որ Հայաստանայց Եկեղեցվո ներկա եպիսկոպոսական դասը, չորսի բացառությամբ, ամենքն ալ Վեհիդ ձեռնասուններն են: Լման 43 հոգիներու վրա ձեռք դրած է Ձեր Սուրբ Օծությունը՝ կարգելով պանոսի իշխանավորներ Հայաստանայց Եկեղեցվո: Եթե անոնցմե մեկ երրորդը սրղեն իսկ վախճանած կամ այլապես անջատված է կրոնական կյանքե, մնացյալ երկու երրորդը, այսինքն՝ 28 փնվորյալներ պաշտոնի և պարտականության գլուխ են այսօր, իբրև Ձեր Վեհափառության շուքին և հեղինակության երկարաձգումը աշխարհի ամեն կողմերը: Ասոնք իրենց կարգին ձեռնադրած են բավաժիլ կուսակրոն կամ ամուսնացյալ քահանաներ: Այնպես որ այսօրվան մեր հոգևորականները, ջախջախիչ մեծամասնությամբ, Ձեր անմիջական հոգևոր զավակները և թոռները կնկատվին: Ասոնք և մնացյալները, Վեհափառ Տեր, Ձեր կողքին կանգնած են իբրև միաձույլ վեմ, լեցված անսահման սիրով, խոր հարգանքով և հավատարմական անշեղ տրամադրությամբ: Ուրեմն Մենք թարգման հանդիսանալով անոնց սիրո և հավատարմական անշեղ զգացումներուն, կբերենք նաև անոնց սրտագին մաղթանքները և որդիական շնորհավորությունները Վեհիդ եռյակ ու երջանիկ տարեդարձներու առիթով իբրև արգագիր նվեր:

Թեթևացած մեր այս քաղցր բեռներեն, թույլ տվեք, Վեհափառ Տեր, մատնանշելու կարգ մը իրողություններ, թե իսկ ըլլան շատ ծանոթ, շեշտելու համար այն բացառիկ դերը, զոր ունեցած է Ձեր Սուրբ Օծությունը ինչ-ինչ բնագավառներու մեջ, Հայաստանայց Եկեղեցվո 130 հայրապետներու շարքին:



Կ. Պոլսի Ամենապատիվ Ս. Շնորհք սրբազան պատրիարք

Առաջին հերթին, Մենք այնպիսի կկարծենք, թե Մայր Աթոռը, իր կառուցման լման 1680 տարիներու ընթացքին, ոչ մեկ ատեն այնքան ծաղկյալ, այնքան բարգավաճված եղած է, որքան Չեր Վեհափառության աթոռակալության ընթացքին: Աշխարհ լինելով այն, ինչ որ է, այսօր արտաքին բարեկարգությունը կդառնա այնքան անհրաժեշտ, որքան ներքինը: Անձերը և հաստատությունները առհասարակ կդառնան և կարժևորվին տեսանելի չափանիշներով: Այս անկյունն է դիտված՝ Մայր Աթոռի նյութական բարեկարգ վիճակը կստանա բացառիկ կարևորություն: Մենք այսօր հպարտ ենք մեր վերանորոգյալ Մայր տաճարով, հոյակապ Վեհարանով և Մայր Աթոռի ծաղկյալ շրջապատով: Ու մեր հպարտության կուզընթաց կքալե, կխորհինք, Մայր Աթոռ բոլոր այցելողներու, կրոնական ու քաղաքական բարձրագույն դիրքերու վրա գտնվողներն մինչև համեստ ու պատահական ուխտավորներու, թուրիստներու հարգանքը և հիացումը: Այս բոլոր բարեկարգությունները, Վեհափառ Տեր, մենք պարտական ենք Չեր նախաձեռնության՝ հայրենի կառավարության՝ ձեռնավորությամբ և արտասահմանի Չեր զավակներու սյուրական օժանդակությամբ: Չափսկանցություն չէ հաստատել, որ մեր բոլոր հայրապետներու շարքին ամենն շատ վերանորոգչական աշխատանք Չեր օրով կատարված է թե՛ Մայր Աթոռն ներս և թե՛ անկէ դուրս մեր բազմաթիվ պատմական եկեղեցիներու վրա:

Երկրորդ մարզը, ուր չափանիշ կուտրած է Չերդ Վեհափառությունը, իր արտասահմանյան ճամփորդություններն են: Շուրջ 25 անգամներ անհրաժեշտ դառած էք դուրս գալ Էջմիածնի սեղմ շրջանակեն, Չեր աշխարհով մեկ ցրված հոտին այցելության: Այցելած էք հիւզ աշխարհամասերու ավելի քան 15 երկիրները: Պատմության մեջ ոչ մեկ կաթողիկոս այնքան շատ երկիր շրջած է, որքան Չերդ Վեհափառությունը: Այս ճամփորդություններով ամրապնդած էք կապը Սփյուռքի հայության և Մայր Աթոռ Ս. Էջմիածնի միջև: Տարած էք ջւորիք և օրհնությունը Միաձուլեալ այս սրբավայրեն և ընդունած էք արտաւաճմանի հայության առավել հարումը և հավատարմությունը Մայր Աթոռին: Այս կերպով հոգևոր արյունը առավել աշխուժությամբ շրջան ըրած է Հայաստանյայց Եկեղեցւոյ զավակներու երակներուն մեջ՝ համապատասխան կենսունակություն ստեղծելով գրեթե ամենքի սիրտերուն և հոգիներուն մեջ: Վեհափառությանդ լավատեսությունը և հոգեշունչ պատգամները վարակած են Չեր տարագիր զավակները համապատասխան հոգեվիճակով: Տարած ու բաշխած էք «փառքի լույս»-ը, որ իջավ Միաձուլին հետ այս հողերուն վրա, օտարության մեջ նստող մեր պանդուխտ ժողովուրդին:

Այս այցելությանց կուզընթաց, հանդիպած էք շատ ավելի մեծ թիվով կրոնական պետերու ու քաղաքական ղեկավարներու աշխարհի ամեն կողմերը, քան ինչ որ չէ ըրած որևէ հայոց հայրապետ: Ու այս հանդիպումները առիթ եղած են, որ օտար կրոնապետեր ու քաղաքական անձնավորություններ ավելի մոտեն ճանչնան հայ ժողովուրդը և Հայաստանյայց Եկեղեցին:

Երրորդ բացառիկ երևույթը եղած է այն, որ Չերդ Վեհափառության օրով Մայր Աթոռը և Հայաստանյայց Եկեղեցին առավելագույն չափով շփում ունեցած են քրիստոնեական այլ Եկեղեցիներու հետ: Հայ Եկեղեցին դադրած է ինքի իր մեջ մեկուսացյալ անժանոթ Եկեղեցի մը ըլլալէ և բարձրացած է միջուկային և համաքրիստոնեական մակարդակի, իբրև մեկը քրիստոնեական հնագույն Եկեղեցիներեն, որ շատ մը մարպերու մեջ լավագույնս պահած է առաքելական սովանդը, ըլլալով միաժամանակ լայնամիտ ու լուսամիտ Եկեղեցի մը: Չեր հայրապետության ընթացքին է, որ Հայ Եկեղեցին անդամակցեցաւ Եկեղեցիներու Համաշխարհային Խորհուրդին, Ամերիկայի Եկեղեցիներու

Համաժողովին, Եվրոպական Եկեղեցիներու Կոնֆերանսին, Խաղաղության Քրիստոնեական Կոնֆերանսին, Համաօրթոդոքս Եկեղեցիներու Ժողովին, «Հավատո և Կարգի» ժողովին, ու վերջապես տեսականորեն մեկի դավանակից Արևելյան Ուղղափառ հինգ Եկեղեցիներու պետերու համագումարին:

Չեր Վեհափառության գահակալության ընթացքին բացառիկ երևույթներն մեկն ալ եղավ նաև այն, որ գրեթե բոլոր քրիստոնյա քույր Եկեղեցիներու պետերու հետ հանդիպում և հաղորդակցություն ստեղծեցիք, էկումենիկ գիծով և ոգիով: Այս հանդիպումները սերտացուցին և ամրապնդեցին քրիստոնեական կապերը մեր և մյուս Եկեղեցիներու միջև: Ասոց կարգին հիշատակության արժանի են, օրինակ, Չեր հանդիպումները Հռոմի Պապին, Կ. Պոլսո Տիեզերական Պատրիարքին և գրեթե բոլոր օրթոդոքս պատրիարքներուն, ինչպես նաև մեկի դավանակից հինգ Եկեղեցիներու հոգևոր պետերուն, Անգլիկան և այլ արևմտյան քրիստոնյաներու գլխավորներու հետ: Այս առիթներով ջատագով հանդիսացած եք Եկեղեցիներու համագործակցության և իրարու մերձեցման իդեալին, յուրաքանչյուր Եկեղեցի պահելով իր ավանդությունները և եկեղեցական յուրահատուկ դիրքը և վարչական դրությունը:

Վերջին և թերևս կարևորագույն բացառիկ իրականությունն այն եղավ, որ Ավետարանի խոսքը առավելագույն տարածում գտավ համայն հայության մեջ Չեր միջոցով: Ու այս՝ Չեր հոգեշունչ քարոզներով և սրտառատ կոնդակներով, նույնքան ավելի Չեր նախաձեռնությամբ կատարված Նոր Կտակարանի աշխարհաբար թարգմանությամբ և հրատարակությամբ, արևելահայերեն և արևմտահայերեն լեզուներով: Արևելահայերեն թարգմանությունը արդեն իսկ ունեցած է երեք տպագրություններ՝ 60.000 օրինակներով, որոնք համարյա ամբողջությամբ սպառած են:

Այսօր իրողություն է նաև, որ արդեն իսկ թարգմանվելու վրա է Հին Կտակարանը ամբողջությամբ, հայրենի երիտասարդ գիտնականներու կողմն, միշտ Մայր Աթոռո պատվերով և Հայոց Հայրապետի հովանավորությամբ:

Ուրեմն Աստուծո և ազգին ընծայված թանկագին կյանքի մը ծննդյան 75-ամյակը և կրոնական գործունեության 40-ամյակը և որպես Հայրապետ Ամենայն Հայոց՝ գահակալության 28-ամյակն է, որ կնշենք այս պահուս: Ընկերային կյանքին մեջ ամենեն զեղեցիկ, ամենեն ներշնչող երևույթներն մեկն է տեսնել անձ մը, որ իր ամբողջ կյանքը կընծայե Աստուծո և ընկերության ծառայության: Ահավասիկ այդպիսի կյանքերն մեկը եղավ Վեհափառիդ: Իր կյանքը ընծայեց Աստուծո և ազգին, ու Աստված և մեր ժողովուրդը բարձրացուցին պինքն այն նվիրական դիրքին, ուր կգտնվի ան այնքան արժանավորապես:

Թող շատ ըլլան տարիները Վեհափառ Հայրապետին, որպեսպի շարունակե ան իր օգտաշատ աշխատանքները վասն խաղաղության աշխարհի, վասն պայծառության Հայաստանյայց Եկեղեցվո:

Փառք այն ժողովուրդին, որ ծնավ պայն. պատիվ այն անձին, որ արժեվորեց իրեն տրված տաղանդները և դիրքը ու արդարացուց այն վստահությունը, որ մեր ժողովուրդը իր վրա դրավ՝ միաձայնությամբ ընտրելով պայն Կաթողիկոս Ամենայն Հայոց: Գոհություն Ամենակալին, որ պարգևեց մեկի Վապգեն Ա-ի պես արժանավոր և շնորհալի Հայրապետ մը, որ իր ամբողջ կյանքն ընծայաբերեց Աստուծո փառքին, մեր ժողովուրդի ու Հայաստանյայց Եկեղեցիի պայծառության համար:

Իր շուրջը և Աստուծո շնորհքը անպակաս ըլլան Մայր Աթոռին և Հայաստանյայց Եկեղեցիի ու ժողովուրդի վրայեն:

**ՀՍՍՀ ՄԻՆԻՍՏՐՆԵՐԻ ԽՈՐՀՐԴԻՆ ԱՌԸՆԹԵՐ ՀԱՅ ԵԿԵՂԵՑՈՒ
ԳՈՐԾԵՐԻ ԽՈՐՀՐԴԻ ՆԱԽԱԳԱՀ ՏԻԱՐ ՌՈՒԲԵՆ
ՊԱՐՍԱՄՅԱՆԻ ԽՈՍՔԸ**

Ձերդ Սրբություն,

Թույլ տվեք Հայկական Սովետական Սոցիալիստական Հանրապետության կառավարության հանձնարարությամբ ջերմորեն շնորհավորել Ձեզ Ձեր բեղմնավոր, իմաստուն կյանքի 75-ամյակի և հանրապետության բարձրագույն պարգևով՝ Գերագույն սովետի նախագահության պատվոգրով պարգևատրվելու առթիվ:

Տարիքը մարդու մի նվիրական գանձատուն է, որի հարստության չափանիշը, ժամանակի ու շրջապատի հանդեպ ունեցած պարտքի պատասխանատվությամբ, նրա կատարած աշխատանքի նշանակալիությունն է:

Այսօր, Ձեր կյանքի 75 տարիների հանրագումարի օրը, հանգիստ է Ձեր խիղճը, իսկ միտքն ու էությունը առեցուն են նոր մտահղացումներով ու իրագործումներով:

Դեռևս մանկության տարիներին, հայրենիքից հեռու, օտար ավերում, Դուք զգացիք հարապատ ժողովրդի ճակատագրի ողջ դաժանությունը: Ուսանողական տարիներից որդեգրվեցիք հայ ժողովրդի գոյատևման ու լավագույն երապանքների իրականացման ավելի գործին, հոգեբան մանկավարժի ջանասիրությամբ նվիրաբերեցիք Ձեզ հայ մանուկների կրթությանն ու դաստիարակությանը, եղաք հայ Սփյուռքի ուշագրավ ամսագրերից մեկի՝ «Հերկ»-ի հիմնադիրն ու խմբագիրը: Հեղինակ դարձաք հայագիտական ու մանկավարժական արժեքավոր աշխատությունների, ու երբ 40 տարի առաջ Ռումինիայում հայ գաղթօջախը կանգնեց առավել դժվար կացության առաջ, մի կողմ թողնելով Ձեր անձնական ծրագրերն ու նախասիրությունները, վերցրիք Ձեր վրա հոգևոր հովվի ծանր ու դժվարին պարտականությունը:

Ձեր հայրենասիրական անձնուրաց նվիրումը, իդեալների հստակությունը ու նրանց ծառայելու հաստատականությունը 28 տարի առաջ, սեպտեմբերյան այս օրերին, Ձեզ գահակալը դարձրին Լուսավորչի պատմական Աթոռի:

Հայ ժողովրդի բազմադարյալ երապանքի ռեալ իրականացումը՝ վերածնված հայրենիքը, Սովետական Հայաստանը, իր աննախընթաց վերելքով ու սուռավել պայծառ ապագայով, նոր եռանդ ու իմաստ տվեցին Ձեր հայրենասիրական, ազգանվեր գործունեությանը, ամրացրին հավատը պանդխտությունից ու որբությունից ապատագրված հայ ժողովրդի ապագայի ու հարատևության հանդեպ:

Ձեր գահակալության տարիներին, իմաստուն ու հոգատար ղեկավարությամբ, Դուք, ինչպես երբեք, բարգավաճ ու ծաղկուն դարձրիք Հայ Առաքելական Եկեղեցու Մայր Աթոռը՝ Ս. Էջմիածինը:

Միշտ առաջնորդվելով սրբազան պարզևի՝ կյանքի պահպանման մեծ խրհրդով, Ձեր հայրենասիրական գործունեության կարևոր խնդիրներից մեկը դարձրիք նպաստել աշխարհում խաղաղության պահպանմանը, ժողովուրդների բարեկամության ամրապնդմանը:

Լինելով մեր ժամանակի ճանաչված ու հարգված հոգևոր առաջնորդներից մեկը, հնչեցրիք աշխարհով մեկ Ձեր ձայնը՝ հանուն խաղաղության, հանուն փնթափման, ընդդեմ պատերազմի:

Ձերդ Սրբություն,

Թույլ տվեք կրկին անգամ ի սրտե շնորհավորել Ձեզ, մաղթել քաջառույ-

ջութուն, արևշատություն, անսպառ հոանդ և ցանկալ նոր հաջողություններ
Ձեր հայրենական գործունեությանը:

Տիար Ռուբեն Պարսամյանի ելույթից հետո խոսքը տրվում է ՍՍՀՄ Մինիստրների խորհրդին առընթեր կրոնական գործերի խորհրդի անդամ Վիկտոր Վոլոդինին, որը ընթերցում է ՍՍՀՄ Մինիստրների խորհրդին առընթեր կրոնական գործերի խորհրդի նախագահ Վլադիմիր Կորոյեդովի ողջույնի



Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհրդի
նախագահ տիար Ռուբեն Պարսամյանը ողջույնի խոսքը ընթերցելիս

գիրը Վեհափառ Հայրապետի ծննդյան 75-ամյակի առթիվ (տես «Էջմիածին» ամսագրի սույն համարում, էջ 10):

Այնուհետև ելույթ է ունենում Ռուսաց Եկեղեցու պատվիրակության ղեկավար միտրոպոլիտ Անտոնին:

«Ձերդ Սրբություն,

Մոսկվայի և Համայն Ռուսաստանի Պատրիարքը խնդրեց ինձ հաղորդել Ձեզ իր եղբայրական սերը և խոր հարգանքը Ձեր ծննդյան 75-ամյակի, քահանայազործության 40-ամյակի և գահակալության 28-ամյակի առիթով:

Սրբազան Պատրիարքը հղում է Ձեզ իր շնորհավորական հետևյալ ողջույնի խոսքը.

ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա-ԻՆ

ՁԵՐԴ ՍՐԲՈՒԹՅՈՒՆ, Ի ՔՐԻՍՏՈՍ ՍԻՐԵՑՅԱԼ ԵՂԲԱՅՐ,
ՍՐԲԱԶՆԱԳՈՒՅՆ ԿԱԹՈՂԻԿՈՍ ԵՎ ԾԱՅՐԱԳՈՒՅՆ
ՊԱՏՐԻԱՐԷ ԱՄԵՆԱՅՆ ՀԱՅՈՑ

Ձեր հոբելյանի փառավոր տոնակատարության ուրախալի այս օրը ի սրտե ուղարկում ենք Ձեզ անձամբ Մեր և ողջ Ռուս Ուղղափառ Եկեղեցու՝ Ձեր հանդեպ տածած խոր հարգանքի և սիրո զգացմունքները:

Սեպտեմբերը նշանակալից ամիս է Ձեր կյանքում: Այս տարի սեպտեմբերին նշվում է Ձեր ծննդյան 75-ամյակը, քահանայազործության 40-ամյակը և գահակալության 28-րդ տարեդարձը՝ սկսած այն օրերից, երբ Աստուծո կամքով և Ազգային Եկեղեցական ժողովի որոշմամբ Ձեզ ընտրեցին Ծայրագույն Պատրիարք Հայոց Եկեղեցու և Կաթողիկոս Ամենայն Հայոց:

Դեռ երիտասարդ տարիներին Դուք վայելել էք Աստուծո բարեհաճությունը և մարդկանց անկեղծ սերը: Սկսվում մանկավարժ, հետո սուրբ կարգով՝ Բուդարիայի և Ռումինիայի հայոց առաջնորդ, իսկ 1955 թվականին Դուք միաձայն ընտրությամբ արժանացաք Ամենայն Հայոց Կաթողիկոսի բարձր պատվին և դարձաք Ս. Գրիգոր Լուսավորչի սրբազան գահի 130-րդ Հայրապետը:

Քառորդ դարից ավելի է, ինչ շարունակվում է Ձեր օրինյալ ծառայությունը հաւանալիական հոգևոր կենտրոն Մայր Աթոռ Ս. Էջմիածին: Այդ տարիները ներեկեղեցական, էկումենիկ և խաղաղասիրական գործունեության արդյունավետ տարիներ եղան: Ձեր իմաստուն ղեկավարության ներքո բարենորոգվեց Հայ Եկեղեցու հոգևոր կյանքը, վերականգնվեցին Հայաստանի հին տաճարները և վանքերը, պատշաճ ջանքերով ստացան Մայր Աթոռ Ս. Էջմիածինը և Վեհարանի շենքը, ընդլայնվեց կաթողիկոսության հրատարակչական գործունեությունը և ծաղկեց հոգևոր ճեմարանը, որտեղ Դուք շարունակում եք Ձեր մանկավարժական աշխատանքը:

Դուք ձեռնարկեցիք սիրո և խաղաղության մի շարք առաքելություններ դեպի աշխարհի տարբեր երկրներ, ուրտեղ ունեցաք եղբայրական հանդիպումներ քրիստոնեական Եկեղեցիների պետերի հետ, այցելեցիք Հայ Եկեղեցու թեմերը և հայկական գաղթօջախները, ելույթներ ունեցաք միջազգային էկումենիկ և խաղաղասիրական ժողովներում: Աշխարհի այս անհանգիստ ժամանակաշրջանում Մենք բարձր ենք գնահատում Ձեր գործուն մասնակցությունը խաղաղասիրական այն գործերին, որոնք ձեռնարկվել են Սովետական Միությունում Եկեղեցիների և կրոնական կազմակերպությունների կողմից, մանավանդ

1977—1982 բվականների ընթացքում Մոսկվայում տեղի ունեցած կրոնական գործիչների համաշխարհային կոնֆերանսներում:

Անժխտելի է Չեր վաստակը Հայ Առաքելական և Ռուս Պրավոսլավ բուր եկեղեցիների անկեղծ բարեկամական կապերի ամրապնդման գործում: Ոչ մի բան առավել չի գցում մեր եկեղեցիների ազնիվ եղբայրական հարաբերությունների վրա, և սրանում Մենք տեսնում ենք Աստուծո օրհնությունը քրիստոնեական համագործակցության մեջ:



Նովգորոդի և Լենինգրադի միտրոպոլիտ Աստուհի

Ի ճանաչում այն մեծ աշխատանքի, որ Դուք ներդրեցիք էկումենիկ, խաղաղասիրական ու հայրենասիրական ասպարեզներում, ինչպես նաև մեր երկու ժողովուրդների և եկեղեցիների ավանդական եղբայրական հարաբերությունների ամրապնդման գործում, այլև Չեր ծննդյան 75-ամյակի առթիվ Մենք Չերդ Սրբույթանը պարգևատրում ենք «Սուրբ Սերգեյ Ռադոնեժսկու» տաաշին կարգի եկեղեցական ջրանշանով: Այս պարգևի իաճնումը արտոնեցինք Ռուս Պրավոսլավ եկեղեցու Ս. Սինոդի մշտական ներկայացուցիչ, Լենինգրադի և Նովգորոդի միտրոպոլիտ սրբապան Աստուհին:

Սիրեցյալ Եղբայր ի Քրիստոս, թող Մեր հարգանքի այս տեսանելի նշանը հիշեցնի Չեղ Մեր եղբայրական անդաժաճան սերը և խորին հարգանքը Չեր նկատմամբ, որպես սքանչելի մարդու, որպես հայ աշխատասեր, տաղանդավոր, դժբախտությունների մեջ տոկուն և դարերի ընթացքում իր ինքնատիպ մշակույթը պահպանած ժողովրդի զավակի, որպես Աստուծո կամքին միշտ հնազանդ ճշմարիտ քրիստոնյայի և որպես իմաստուն հոգևոր հովվի, որը հայրական սիրով առաջնորդում է իր բազում և բազում հավատացյալներին փրկության ճանապարհով:

Աղոթում ենք՝ ցանկանալով Ձերդ Սրբությանը Աստուծո բարեջնորհ օգնականությունը Ձեր հայրապետական ծառայության բոլոր ճանապարհներում: Եղբայրական անփոփոխ սիրով ի Քրիստոս՝

ՊԻՄԵՆ

**ՊԱՏՐԻԱՐԺ ՄՈՍԿՎԱՅԻ ԵՎ ՀԱՄԱՅՆ
ՌՈՒՍԱՍՏԱՆԻ**

Մոսկվա,

23 սեպտեմբերի 1983 թ.

**ՍՓՅՈՒՌՔԱՀԱՅՈՒԹՅԱՆ ՀԵՏ ՄՇԱԿՈՒԹԱՅԻՆ ԿԱՊԻ
ԿՈՄԻՏԵԻ ՆԱԽԱԳԱՀ
ՎԱՐԴԳԵՍ ՀԱՄԱԶԱՍԴՅԱՆԻ ՈՂՋՈՒՅՆԻ ԽՈՍՔԸ**

Մեծարգո Կաթողիկոս Ամենայն Հայոց.

Ձեր ծննդյան 75-ամյակի և քահանայական ձեռնադրության 40-ամյակի առթիվ Սփյուռքահայության հետ մշակութային կապի կոմիտեն Ձեզ է հղում քաջառողջության, անսպառ եռանդի և կորովի իր բարեմաղթանքները և այն համոզմունքը հայտնում, որ դեռ երկար տարիներ Ձեզ հատուկ անսպառ աշխատասիրությամբ ու տքնանքով պիտի շարունակեք Ձեր մարդասիրական, խաղաղասիրական առաքելությունը:

Տասնամյակներ շարունակ Դուք ակնառու, կարևոր դեր եք կատարել թե՛ Հայ Եկեղեցու ամրապնդման, թե՛ սփյուռք-հայրենիք կապերի սերտացման և թե՛ խաղաղության համար մղվող պայքարի գործում:

Ներսես Մեծից մինչև արժանահիշատակ Գևորգ Չորեքյան, հայ ժողովուրդը բազմաթիվ կաթողիկոսներ, կրոնական գործիչներ է ունեցել, որոնք գնահատվել են ըստ արժանվայն և դարձել ժողովրդի անմոռաց դեմքեր: Դուք պատմական ներկա ժամանակներում նույնպես գնացիք հոգևոր այդ գործիչների ճանապարհով, պահպանելով լավագույն ավանդները, որ թողել էին նրանք:

Որպես խաղաղության պաշտպանության սովետական կոմիտեի անդամ, Դուք ամենագործուն մասնակցությունն եք ունեցել խաղաղության պաշտպանության համամիութենական, միջպզգային համաժողովներին, Մոսկվայի, Պրագայի, Ստոկհոլմի, Բեռլինի ամբիոններից Ձեր ձայնը բարձրացրել ի պաշտպանություն աշխարհի խաղաղության, ժողովուրդների անվտանգության, հանուն լիակատար պինաթափման և մարդկության հանգիստ ապագայի:

Կանխատեսելով սպառնալիությունների մրցավազքի անխուսափելի հետեվանքը, դեռ 1961 թ., Պրագայի խաղաղության համաշխարհային կոնգրեսում ի լուր աշխարհի Դուք հայտարարեցիք, որ պատերազմը բոլոր տեսակի ոճիրների հանրագումարն է, առաջարկեցիք և պահանջեցիք, որ նման ոճիրները երբեք չկրկնվեն երկրագնդի վրա:

Այս խոսքերը կրկնակի կշիռ են ստանում բազում արհավիրքներ տեսած, ալեն կարգի վտանգներից անցած և խաղաղության շնորհիվ վերածնված հայ ժողովրդի Եկեղեցու առաջնորդի՝ Ձեր շուրթերին:

Բարձր գնահատելով սովետական պետության իմաստուն ազգային քաղաքականության շնորհիվ այսօր աշխարհի վարճացած երկրների շարքում քայլող մեր հանրապետության նվաճումները, մեր հայրենասեր և ժրաջան ժողովրդի աշխատունքի հիմնալի արդյունքները, Դուք Ձեր ողջ ուժերը, անսպառ

եռանդը ի սպաս եք դնում համայն հայության միակ հայրենիքի՝ Սովետական Հայաստանի հեղինակության տարածմանը:

Որպես Ամենայն Հայոց կաթողիկոս և Սփյուռքահայության հետ մշակութային կապի կոմիտեի հիմնադիր անդամ, անուրանալի է Ձեր կարևոր դերը սփյուռք-հայրենիք կապերի ամրապնդման, աշխարհամայրու մեր հայրենակիցներին մայր հայրենիքի՝ Սովետական Հայաստանի շուրջը համախմբելու տարր գործում: Սփյուռք կատարած Ձեր բազմաթիվ այցելությունները, հանդիպումները, ելույթները մեծապես նպաստում են Սփյուռքի և մայր հայրենիքի մերձեցմանը:

Ձեր ծառայությունները մշտապես բարձր են գնահատվել սովետական պետության կողմից: Խաղաղության պաշտպանության օգտին հայրենասիրական գործունեության համար Դուք արժանացել եք կառավարական բարձր պարգևների:

Այս ուրախ առիթով կրկին ջերմորեն շնորհավորում ենք Ձեզ և մաղթում քաջառողջություն, երկար տարիների կյանք՝ ի շահ Հայ Եկեղեցու, հանուն խաղաղության և ժողովուրդների բարեկամության:

Այնուհետև խոսքը տրվում է Ռումինական Եկեղեցու պատվիրակության ղեկավար, Մոլդովայի և Սուչավայի միաբնակցության Թեոկրիստին: Սրբազան հայրը իր և պատգամավորության անունից շնորհավորում է Վեհափառ Հայրապետի ծննդյան 75-ամյակը, ուրիշ հետո ընթերցում Ռումինական Եկեղեցու պետ Տ. Ժուստին Պատրիարքի ողջույնի ուղերձը Հայոց Հայրապետի ծննդյան 75-ամյակի առթիվ:

**ՌՈՒՄԻՆԱԿԱՆ ԵԿԵՂԵՑՈՒ ՊԵՏ Տ. ԺՈՒՍՏԻՆ ՊԱՏՐԻԱՐԷԻ
ՈՂՋՈՒՅՆԻ ՈՒՂԵՐԶԸ
ՆՈՐԻՆ ՍՐԲՈՒԹՅՈՒՆ ԳԵՐԱԳՈՒՅՆ ՊԱՏՐԻԱՐԷ ԵՎ
ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՎԱԶԳԵՆ Ա-ԻՆ**

Ձերդ Սրբություն,

Մենք ամբողջ հոգով կցանկանալինք լինել Ձերդ Սրբության հետ՝ Հայ Առաքելական Եկեղեցու այդ երկու նշանակալից տոների առիթով, բայց այս օրերին Բուլղարական Օրթոդոքս Եկեղեցու պետ Մաքսիմ Պատրիարքի եղբայրական այցը Ռումինական Եկեղեցի պարտադրում է մեզ մնալ Բուխարեստում:

Այս պատճառով խնդրում ենք Ձեզ Մեր և Ռումինական Եկեղեցու կողմից ընդունել, իբրև հյուր-պատվիրակների, Մոլդովայի և Սուչավայի միաբնակցության Թեոկրիստին, Ալբա Յուլիայի եպիսկոպոս Էմիլիանովին, ավագերեց Կոստանդին Պիրվուին, պատրիարքական թարգմանիչ Սավա Մարինային, որոնք պետք է մասնակցեն հանդիպություններին:

Խնդրում ենք Ձեզ մեր պատվիրակների միջոցով ընդունել ամենաբարի մտղթանքներ: Ձերդ Սրբությանը ցանկանում ենք քաջառողջություն, հոգևոր ուրախություն և անսպառ կորով Հայ Եկեղեցու և ժողովրդի ծառայության, մեր Եկեղեցիների մերձեցման, խաղաղության և ժողովուրդների համերաշխ գործակցության համար:

Նույն բարի մաղթանքները փոխանցում ենք Հայ Եկեղեցուն, մեռնօրիների արարողության առիթով, որի խորհուրդն է՝ Եկեղեցու և հավատացյալ ժողովրդի հոգևոր միությունը:

Համոզված ենք, որ Մեր մաղթանքները կընդունվեն ամենաջերմ սիրտ վզացմունքներով, որոնք միշտ բարեկամացնում են մեր Եկեղեցիները և ժողովուրդները:



Մոլդովայի և Սուչավայի միորոպոլիտ Թեոկլիստ

Ողջագուրում ենք Ձեզ մեր Տեր Հիսուս Քրիստոսով՝ մաղթելով երկար և երջանիկ տարիներ:

ԺՈՒՍՏԻՆ

ՌՈՒՄԻՆԱԿԱՆ ՍՐԹՈՂՈՔՍ ԵԿԵՂԵՅՈՒ ՊԱՏՐԻԱՐԺ

Այա խոսքը տրվում է Հայաստանի խաղաղության ֆոնդի հանձնաժողովի նախագահ, ՍՍՀՄ ժողովրդական արտիստ Էդուարդ Միրզոյանին, որը ընթերցում է Հայաստանի խաղաղության պաշտպանության հանրապետական կոմիտեի և խաղաղության ֆոնդի հանձնաժողովի հետևյալ ողջույնի ուղերձը:

«ՁԵՐԴ ՍՐԲՈՒԹՅՈՒՆ,

Հաճույք ունենք Հայաստանի խաղաղության պաշտպանության հանրապետական կոմիտեի և խաղաղության ֆոնդի հանձնաժողովի անունից ողջունելու Ձեզ Ձեր ծննդյան փառավոր 75-ամյակի առթիվ:

Դուք, որպես խաղաղության պաշտպանության հանրապետական կոմիտեի նախագահության անփոփոխ անդամ, Ձեր մեծ ներդրումն ունեք Հայաստանում խաղաղության կողմնակիցների ջարժման, ինչպես նաև խաղաղության ֆոնդի կազմակերպման մեջ: Ժամանակակից փուլում, երբ Արևմուտքի հետադիմական ուժերի կողմից սանձազերծված սսռը պատերազմի հետևանքով ծայրաստիճան լարվել է միջազգային իրադրությունը, Ձեր ծավալած եռանդուն գործունեությունը հանուն խաղաղության բարձր են գնահատում խաղաղության կողմնակիցները:

Խաղաղության պաշտպանության գործում Ձեր հայրենանվեր դիրքորոշումը նաև ներգործուն ավելեցություն ունի աշխարհասփյուռ հայությանը խաղաղու-

թյան պաշտպանության համաշխարհային շարժման մեջ ընդգրկելու ասպարե-
սում:

Հայաստանի խաղաղության պաշտպանության հանրապետական կոմիտեն
և խաղաղության ֆոնդի հանձնաժողովը Ձեր պանծալի հորեղանի օրը հղում
են Ձեզ իրենց ջերմ ողջույնը, ցանկանում քաջառողջություն ի փառս մար
հայրենիքի հետագա բարգավաճման, Սովետական Հայաստանի շուրջը սփյուռ-
քահայության հետագա համախմբման, խաղաղության պաշտպանության և առ-
րապնդման:

ԽԱՂԱՂՈՒԹՅԱՆ ՊԱՇՏՊԱՆՈՒԹՅԱՆ ՀԱՆՐԱՊԵՏԱԿԱՆ ԿՈՄԻՏԵԻ
ՆԱԽԱԳԱՀ, ՀՍՍՀ ԳԱ ԱԿԱԴԵՄԻԿՈՍ Գ. Ա. ԳԱԼՈՅԱՆ

ԽԱՂԱՂՈՒԹՅԱՆ ՖՈՆԴԻ ՀԱՆՁՆԱԺՈՂՈՎԻ ՆԱԽԱԳԱՀ
ՍՍՀՄ ԺՈՂՈՎՐԴԱԿԱՆ ԱՐՏԻՍՏ Է. Մ. ՄԻՐԶՈՅԱՆ

ՄԱՇՏՈՅԻ ԱՆՎԱՆ ՄԱՏԵՆԱԴԱՐԱՆԻ ՏՆՈՐԵՆ ՍԵՆ ԱՐԵՎՇԱՏՅԱՆԻ ՈՂՋՈՒՅՆԻ ԽՈՍՔԸ

ՆՈՐԻՆ ՍՈՒՐԲ ԾԾՈՒԹՅՈՒՆ ԱՄԵՆԱՅՆ ՀԱՅՈՑ ԿԱԹՈՂԻԿՈՍ
ՎԱԶԳԵՆ Ա

Ձերդ Վեհափառություն,

Մաշտոցի անվան Մատենադարանի տնօրինությունը և գիտական խոր-
հուրդը ջերմորեն ողջունում և ջնդիրավորում են Ձեզ Ձեր ծննդյան 75-ամյա
հորեղանի առիթով:

Հայրենանվեր Ձեր գործունեության ընթացքում Դուք մեծ եռանդով շու-
րունակել եք մեր իմաստուն հայրապետների գեղեցիկ ավանդները, աշխատել
եք հայ ժողովրդի հոգևոր ու բարոյական միասնության գաղափարի իրական-
նացման ուղղությամբ:

Մեր հասարակայնությունը բարձր է գնահատում Ձեր հետևողական ջուն-
քերը աշխարհի խաղաղության և ժողովուրդների միջև բարեկամության ամ-
րապնդման վեհ գործում:

Դեռևս երիտասարդական տարիներից Ձեր գործունեության մեջ ընդգծվել
է հոգատարությունը մեր մշակութային արժեքների փրկության, հավաքման և
պահպանության նկատմամբ:

Այսօր մենք տռանձնապես գանկանում ենք նշել Մաշտոցյան Մատենադա-
րանի ձեռագրաց գանձարանը հարստացնելու Ձեր մեծ աշխատանքը: Ձեր
գործարար հորդորներով Սփյուռքից պարբերաբար հայրենիք են բերվում հայ
մեծանուն պատմիչների, տաղերգուների, մանրանկարիչների գրչին պատկա-
նող բազմաթիվ մեծարժեք գրչագրեր: Մեր հավաքածոներում հատուկ տեղ են
գրավում նորահայտ անգնահատելի սյն երկու մատյանները, որոնք Դուք նվի-
րել եք Մատենադարանին և որոնք գրանցվել են «Վեհամոր» և «Վեհափառի»
Ավետարաններ անվան ներքո: Այդ հպակի կոթողները, որոնք թվագրվում են
8—9-րդ դարերով, եկան լրացնելու մեր հնագույն հուշարձանների շարքը և
իրենց պատվավոր տեղը գրավեցին «Էջմիածին» և «Լավարյան» Ավետարան-
ների կողքին:

Բարձր գնահատանքի է արժանի նաև Ձեր հոգատարությունը և գործուն

75

ՀԱՅԱՍՏԱՆԻ ԴԱՐՈՒՄԻ ԿԱԹՈՂԻԿՈՍ
ԿԱԶՁԵՐ ԱՌԱՋԻՆԻՆ
ԶԵՐ ՍՐԲԱՅՈՒՆԷ

Դառնալով անկէ Դաշտապետի Սաղաւորիցյան պաշտպանութեան հանրապետական կոմիտէի և Սաղաւորիցյան ֆուտբոլի հանձնաժողովի անունից ողջունելու Ձեր Ձեր ձեռնարկը փառաւոր 75 ամսակի առթիւ:

Դուք որպէս Սաղաւորիցյան պաշտպանութեան հանրապետական կոմիտէի նախագահութեան անկողնու անդամ, Ձեր հետ ձերպարտէն անկէ Դաշտապետի Սաղաւորիցյան կոմիտէի անդամի շարժման ինչպէս նաև Սաղաւորիցյան ֆուտբոլի կոմիտէի անդամի շարժման փառաւոր, երբ Արեւիկայի հեղափոխական ուժերի կողմից անցաւ ձեր ձեռքը անուր պատերազմի հետեւեալով ծաղաւորեալ լաւիկէ հեղափոխական իրաւունքները, Ձեր ծախսով երանելու գործունէութեան համար Սաղաւորիցյան բարձր և գեղեցիկ Սաղաւորիցյան կոմիտէի անդամ:

Սաղաւորիցյան պաշտպանութեան գործում Ձեր հայրենակէր դիպրոքաշուն նաև ձերպարտէն աշխարհային ունի աշխարհային հայրենային Սաղաւորիցյան պաշտպանութեան համաշխարհային շարժման հետ յետգրեալ առարկան:

Դաշտապետի Սաղաւորիցյան պաշտպանութեան հանրապետական կոմիտէի և Սաղաւորիցյան ֆուտբոլի հանձնաժողովի Ձեր պատճառի հաշիւների օրը հիշում եմ Ձեր իրենց հետ ողջունել, լաւիկէ հեղափոխական ի փառաւոր հայրենակէր հեղափոխական լաւիկէ հեղափոխական Դաշտապետի շարժում անկողնու անդամից հեղափոխական համաշխարհային, Սաղաւորիցյան պաշտպանութեան և աշխարհային:

ԱՌԱՐԱՌՈՒԹՅԱՆ ՈՒՇՏԱՆՈՒԹՅԱՆ
ԱՌԱՐԱՌՈՒԹՅԱՆ ԿՈՒՄՏԵՐԱՅԻՆ
ԴՈՒՄ ԳԱ ԱՌԱՐԱՌՈՒԹՅԱՆ
ԱՌԱՐԱՌՈՒԹՅԱՆ ԳՈՐԾԱՌՈՒԹՅԱՆ
ԱՌԱՐԱՌՈՒԹՅԱՆ ԳՈՐԾԱՌՈՒԹՅԱՆ
ԱՌԱՐԱՌՈՒԹՅԱՆ ԳՈՐԾԱՌՈՒԹՅԱՆ

Գ.Ա. ԳԱՆՈՅԱՆ Է.Մ. ՄԻՐԶՈՅԱՆ

օժանդակությունը ճարտարապետական ինժեներների վերականգնման ասպարեկում:

Այս բոլորի համար և Ձեր ջինարար ջանքերի համար խորին շնորհակալություն ենք հայտնում Ձեզ և ցանկանում երկար կյանք և քաջառողջություն՝ ի բարօրություն մեր ժողովրդի և նրա բազմադարյան մշակույթի:

Այնուհետև խոսքը տրվում է Վրաց Եկեղեցու ներկայացուցիչ Մարգվեթի եպիսկոպոս Տ. Քրիստափորին, որը հոբեյար Հայրապետին ողջունում է հետևյալ ողերձով.

**ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԺ
ԵՎ ԿԱԹՈՂԻԿՈՍ ՎԱԶԳԵՆ Ա**

Ձերդ Սրբություն,

Թույլ տվեք Վրաց Օրթոդոքս Եկեղեցու անունից ի սրտե շնորհակալություն հայտնել Ձեզ Ձերդ Սրբության ծննդյան 75-ամյակի և մեռնօրինության հանդիսություններին մասնակցելու սիրալիր հրավերի համար:

Հանուն Հիսուս Քրիստոսի սիրո ընդունեցեք Վրաստանի Պատրիարք-կաթողիկոս Իլիա Բ-ի, Սուրբ Սինոդի և անձամբ իմ կողմից սրտագին շնորհավորանքներ Ձեր ծննդյան 75-ամյակի առիթով:

Հայ Առաքելական Եկեղեցին իր մեջ մարմնավորում է հայ ժողովրդի կենդանի ոգին: Մենք հավատում ենք այդ ոգու, ինչպես և բազմաչարչար հայ ժողովրդի անմահությանը: Դեռ քրիստոնեության արշալույսին, մեր թվագրության առաջին դարերին, հայ ժողովուրդը և իր Սուրբ Եկեղեցին ծնեց քրիստոնեական հավատքի այնպիսի ջատագով, ինչպիսին էր Պարոյր Հայկազնը, որն այնքան փառաբանվեց Հռոմեական կայսրության մեջ իր ճարտարախոսությամբ և իմաստությամբ, որ Հռոմի գեղեցիկ հրապարակներից մեկում կանգնեցրին նրա արձանը:

Դեռ Ե դարից սկսած, քրիստոնեական հավատքը Հայաստանում հիմնավորվեց այնպիսի փիլիսոփա-աստվածաբանների կողմից, ինչպիսիք էին՝ Ագաթանգեղոսը և Մեսրոպ Մաշտոցը, Եվսիկ Կողբացին և Եղիշեն, Մովսես Խորենացին և Դավիթ Անհաղթը, ապա և Անանիա Շիրակացին, որը հայ մագաղայա հուշարձաններում հայտնի է որպես «Մեծ Վարդապետ»:

Ժ դարում Հայաստանի հոգևոր հայր սուրբ Գրիգոր Նարեկացին իր աստվածաբանական աշխատություններից մեկում գրում էր. «Աստված գերուգույն էսկն է, սյդ իսկ պատճառով նրա ճանաչումը սովորական ճանապարհով անհնարին է: Եթե այդ հնարավոր լիներ, այսինքն հնարավոր լիներ նրա ճանաչումը սովորական մեթոդներով, ապա նա կդադարեր գերագույն էսկ լինելուց և կիջներ սովորական արարածների մակարդակին. իսկ դա անհնարին է: Այս բանի հասար Աստված անճանաչելի է և մարդուն հայտնվում է միայն հավատքի միջոցով: Մարդու կյանքի գլխավոր նպատակն է նմանվել Աստծուն, որի շնորհիվ մարդու բնությունը միանում է Աստուծո բնությանը, իսկ դրան մարդ կարող է հասնել հավատքով, ոչ թե վնեությամբ՝ գիտակցելով ունայնության ունայնությունը և ապատվելով մարմնական կրքերից»:

Ձերդ Սրբություն, Գրիգոր Նարեկացու այս իմաստուն խոսքերը լիարժեք կերպով կարող ենք օգտագործել և Ձեզ համար: Դուք, դեռ երիտասարդ հասակում, եկաք Ս. Էջմիածին, հրաժարվեցիք անձնականից, երկրային հաճույքներից և ահա երրորդ տասնամյակն է, ինչ անձնուրաց կերպով ծառայում եք

Քրիստոսին՝ ի փառս հայ ժողովրդի և Հայ Եկեղեցու: Այս կապակցությունը բոլոր տվեք. Չերդ Սրբություն, հիշել այն խոսքերը, որ Դուք արտասանել եք 1977 թվականի դեկտեմբերի 25-ին Իլիա Բ կաթողիկոսի զանազանության և օժման հանդիսության առթիվ: Դուք այն ժամանակ ասացիք հետևյալը. «Պետք է հպտնեն Չեղ, որ այս օրերին ես շատ հուպված եմ: Հիշողությանս մեջ նորից կենդանացան այն թանկ և հարազատ օրերը իմ կյանքի, երբ 1955 թվականին ինձ ընտրեցին կաթողիկոս: Այդ ժամանակ ես էլ երիտասարդ էի: Երբ ընտրում են Եկեղեցու պատրիարք, ողջ ժողովուրդը հրձվում է: Բայց այն օրերին ես վախենում էի: Ես վախենում էի այն դժվարին բեռից, որ դրվում էր իմ ուսերին: Չե՛ որ այն ժամանակ մեր Եկեղեցին ավելի մեծ դժվարություններ ուներ, քան ներկայումս»:

Չերդ Սրբություն, ավելացնելով ստենք, որ Դուք ոչ միայն Հայաստանում, այլև ամբողջ աշխարհում նվաճեցիք փառք և հարգանք Հայ Եկեղեցու համար, պատվով կատարեցիք Չեր սուրբ պարտքը հայրենիքի և ժողովրդի առաջ: Եվ այդ ուրախացնում է մեզ՝ Վրաց Օրթոդոքս Եկեղեցու Չեր եղբայր պատգամավորներին: Դուք շատ ջանք եք թափում աշխարհի խաղաղության պահպանման համար, մեծ ներդրում ունեք այդ գործում. Խաղաղությունն անհրաժեշտ է արդի դարաշրջանի մարդկությանը: Մեզ բոլորիս քաջ հայտնի է նաև Չեր գնահատելի վաստակը ժողովուրդների բարեկամության և էկոմենիկ գործունեության ասպարեզում:

Չերդ Սրբություն, թող տվեք ես մեկ անգամ շնորհավորել Չեղ Չեր ծննդյան 75-ամյակի առթիվ:

Ջանկանում ենք Չեղ երկար տարիների կյանք և բեղմնավոր գործունեություն: Թող Աստված Չեղ օգնական լինի Չեր սուրբ առաքելության մեջ՝ ի բարօրություն հայ հավատացյալ ժողովրդի և ի բարձրաձուլման Հայ հնագույն Եկեղեցու, ամեն:

Այս Անգլիկան Եկեղեցու անունից ելույթ է ունենում հոգեշնորհ կանոնիկոս Վիկտոր դը Վալլը և արտասանում Ամենայն Հայոց Հայրապետին ուղղված հեռակալ սրտառույց խոսքը.

«Չերդ Սրբություն,

Մեռնությունության և Չերդ Սրբության ծննդյան նվիրված տոնավայրությունների առթիվ պատիվը և առանձնաշնորհումն ունեն բերելու Չեղ համայն Անգլիկան Եկեղեցու պետ, Քենթրերիի արքեպիսկոպոս Ռոբերտ Ռանսիի ողջույնները:

Ս. Էջմիածնի նման Անգլիկան Եկեղեցին էլ ընծաված է մեր Փրկիչ Հիսուս Քրիստոսին: Այն Անգլիկայի և համայն աշխարհով մեկ ցրված անգլիկացի վավականների մայր Եկեղեցին է:

Անգլիկան Եկեղեցին նույնպես հիմնված է մեր Գրիգոր Լուսավորչի կողմից, որին ուղարկել էին Ս. Օգոստինոսի մոտ, որպեսզի նա հաստատի այդ Եկեղեցին: Երկու Գրիգորները մեր մայր Եկեղեցիների հայրերը և հիմնադիրներն են:

Գրիգոր նշանակում է՝ արթուն, պետակ: Եվ մեր ժամանակաշրջանում Չերդ Սրբությունը արթուն պահակ է եղել ոչ միայն Հայաստանյայց Եկեղեցուն, այլև համայն քրիստոնեական Եկեղեցուն: Դուք ուսուցանում եք, որ այսօրվա աշխարհում պետք է ունենալ բարի սիրտ, որպեսզի այնտեղ սերմանվի Քրիստոսի խոսքը և պատգամը: Դուք ուսուցանում եք նաև վստահություն դեպի մարդը, որ նա իր հասարակական, քաղաքական և մշակութային գործունեու-

թյան բնագավառներում կարողանալ Կարգանալ խաղաղության ճանապարհով: Դուք խաղաղության մեծ ռահվիրա եք և խաղաղությունը տեսնում եք արդյա-
րության և սիրո մեջ: Դուք եղսւք մեծ ներշնչողը խաղաղության և փոխըմ-
բռնման, որպեսզի ամեն մի Եկեղեցի Քրիստոսի թողած ավանդությամբ իր
լուսան ներդնի մարդկության փրկության գործում:

Ձերդ Սրբություն, այժմ թույլ տվեք ինձ ընթերցել այստեղ Քենթրբերիի
արքեպիսկոպոսի ողջույնի ուղերձը:

ՔԵՆԹՐԲԵՐԻԻ ԱՐՔԵՊԻՍԿՈՊՈՍ ՌՈԲԵՐՏ ՌԱՆՍԻԻ ՈՂՋՈՒՅՆԻ ՈՒՂԵՐՁԸ

Ձերդ Սրբություն,

Ինձ համար մեծ հաճույք է մեռնօրհնության առթիվ Անգլիկան Եկեղեցու
ներկայացուցիչներ գերաշնորհ Հենրի Հիլի, հոգեջնորհ Վիկտոր դը Վաալի և
այրն. Պատրիկ Զիլբերտի միջոցով հղել Ձեզ իմ ջերմ ողջույնները:

Տակավին թարմ են այս տարվա սկզբներին Լամբեթ պալատ Ձերդ Սրբու-
թյան այցելությունից ստացած իմ տպավորությունները, և ես երջանիկ եմ, որ
անգլիկան համայնքն ուղարկում է մի խումբ պատգամավորներ Ս. Էջմիածին՝
ձեր քրիստոնեական Եկեղեցու համար անչափ կարևորություն ունեցող մի հրա-
դարձության առիթով:

Սրբալույս մեռնի օրհնության արարողության ընթացքում վկայակոչվելու
է Հայ Եկեղեցու և նրա ժողովրդի հուզեր միությունը: Եվ մեր Անգլիկան Եկե-
ղեցու ներկայությունը այդ արարողությանը նույնպես կվկայի ի Քրիստոս մեր
միությունը՝ մեկ Եկեղեցիով և մեկ հավատով:

Ձերդ Սրբության սիրալիր եղբայր ի Քրիստոս՝

ՌՈԲԵՐՏ ՌԱՆՍԻ

Լամբեթ պալատ, Լոնդոն.

20 սեպտեմբերի 1983 թ.

Անգլիկան Եկեղեցու պատգամավորի սույն ելույթից հետո, խոսքը տրվում
է Հռոմեական կաթոլիկ Եկեղեցու ներկայացուցիչ պրոֆեսոր Էռնստ Մուտենե-
րին (Ավստրիա), որը հանդես է գալիս հետևյալ ուղերձով.

«Ձերդ Սրբություն, բարձրապատիվ հանդիսականներ,

Ինձ համար պատիվ է և մեծարանք միաժամանակ, Ձերդ Սրբության եռ-
յակ հոբելյանների առթիվ շնորհավորել և ողջույնի ու օրհնության բարի մաղ-
թանքներ փոխանցել Ձեզ Վիեննայի արքեպիսկոպոս, Ավստրիայի եպիսկոպո-
սաց ժողովի նախագահ կարդինալ Ֆրանց Բյոնիգհից:

Գոհություն Աստուծո, որ մենք կարող ենք հետադարձ մի հայացք գցել և
տեսնել ավանդություն դարձած այն երկարատև բարեկամությունը, որը գոյու-
թյուն է ունեցել ավստրիացիների և հայերի միջև:

Այսօր երկու հարյուր տարի է, ինչ Հայ Առաքելական Եկեղեցին ճանաչ-
վել է ավստրիական իշխանության կողմից որպես ինքնուրույն կրոնական հա-
մայնք: Այդ երկարաձիգ տարիների ընթացքում շատ դեպքեր են տեղի ունե-
ցել, որոնք մեզ առավել մերձեցրել են միմյանց: Վերջին տարիներին Ձերդ
Սրբությունը անձամբ իր օրհնաբեր այցելություններով որոշակիորեն օգնեց, որ

մեր բարեկամական կապերը էլ ավելի պւշանան: Այս ամենի համար կրկին սրտաբուխ շնորհակալություն Ձեզ այսօրվա տոնական առիթով:

Ավստրիայում արևելյան քրիստոնեական համայնքների գոյությունը վերջին տարիներին Վիեննայում ստեղծել է էկումենիկ մթնոլորտ՝ կամրջելով Արևելքի և Արևմուտքի քրիստոնյաներին:

Վիեննայի հայ համայնքը և նրա հոգևոր հովիվը իրենց լայնախոհությամբ շոշափելի ներդրում ունեն այդ առաջընթացում:

Աստուծո օգնականությամբ ձեռք բերված արդյունքները շատերի հավանությանն արժանացան:

Հայ Առաքելական Եկեղեցու հավատացյալների հետ միասին, մենք՝ կաթողիկոսներս նույնպես, աղոթում ենք, որ անսպառ լինի Ձերո՛ւ Սրբության ստեղծագործական եռանդը և Ձեր օրհնաբեր գործունեությունը պսակվի նորանոր հաջողություններով ի փառս ձեր Եկեղեցու: Երկար, օրհնյալ և արդյունավետ տարիներ Ձերո՛ւ Սրբությանը»:

Հանդիսավոր նիստի վերջում ելույթ է ունենում Բուլղարական Եկեղեցու ներկայացուցիչ Տ. Կիրիլ վարդապետը, որը Ամենայն Հայոց Հայրապետին է դիմում ողջույնի և շնորհավորանքի հետևյալ խոսքով.

«Ձերո՛ւ Սրբություն,

Թույլ տվեք ինձ՝ Մոսկվայում Բուլղարական Եկեղեցու ներկայացուցչին, հանուն սրբազան Պատրիարք Մաքսիմի և Բուլղարական Եկեղեցու Ս. Սինդոխի, ի սրտե ողջունել Ձերո՛ւ Սրբության ծննդյան 75-ամյակը, քահանայագործության 40-ամյակը և կաթողիկոսական գահակալության 28-րդ տարեդարձը, աղոթել և ցանկալ Ձեզ երկար տարիներ, որպեսզի քաջառողջությամբ շարունակեք Ձեր բարձր ծառայությունը՝ հոգևոր սնունդ տալով համայն հայ հավատացյալ ժողովրդին:

Այսօր մեծ և ցնծալի տոն է Հայ Եկեղեցու համար. նրա գերագույն Քահանայապետը նշում է իր նշանակալից հոբելյանը:

Ձերո՛ւ Սրբությանը նվիրված այս հանդեսին ներկա են բարձրաստիճան պետական ներկայացուցիչներ, մշակույթի և արվեստի գործիչներ, բալում քրիստոնյա Եկեղեցիների պատվիրակներ և արտասահմանյան հյուրեր: Բոլորը խոր հարգանքով և երախտագիտությամբ են լցված Ձեր նկատմամբ:

Նրանք Ձերո՛ւ Սրբությանն ուղղված իրենց երախտագիտական խոսքերով հյուսեցին հրաշագեղ մի պսակ, թույլ տվեք և ինձ այդ դրվատանքի խոսքերին և երախտագիտության պսակին ավելացնել Բուլղարական Պապական Եկեղեցու և եղբայրական բուլղար ժողովրդի ծաղիկ-խոսքը, որպես նշան խոր հարգանքի և սիրո՛ւ դեպի հայ ժողովուրդը և նրա գերագույն հոգևոր հովիվ Ձերո՛ւ Սրբությունը:

Հայ և բուլղար ժողովուրդների պատմական ճակատագրերը շատ նման են եղել միմյանց: Ծանր և ողբերգական էջեր են պահպանվում մեր ժողովուրդների տարեգրությանց մեջ: Բայց Աստուծո բարի նախախնամությունը մեր ժողովուրդներին չի թողել առանց հոգևոր առաջնորդների: Մենք կարող ենք քրիստոնեական հեղուկությամբ ասել. «Փառք Աստծուն՝ ամեն ինչի համար»:

Այժմ մենք խաղաղություն և արդարություն սիրող ժողովուրդների հետ միասին վկայում ենք, որ միշտ հավատարիմ կլինենք այդ սուրբ գաղափարներին: Եվ Դուք, Ձերո՛ւ Սրբություն, հանդիսանում եք միջապգային խաղաղասիրական շարժման առաջնորդներից մեկը: Դուք Ձեր անսպառ եռանդով արժանի օրինակ եք տալիս երիտասարդներին, հանուն Հիսուս Քրիստոսի՝ գործով և խոսքով արտահայտում եք խաղաղության և արդարության Ձեր բարի կամքը:

Մենք ազդեցում ենք Արարչին և Խաղաղության Իշխանին՝ մեր Փրկչին ու Տիրոջը, որպեսզի իր ամենազոր օգնությամբ ամրապնդի Ձեր հոգևոր և մարմնավոր ուժերը ի բարօրություն հայոց մեծ ազգի և բարի կամքի տեր մարդկանց:

Երկար և շնորհալի տարիներ Ձերոյ Սրբությանը:



Վեհափառ Հայրապետը կարդում է իր շնորհակալության խոսքը հանդիսավոր նիստի ժամանակ

Այնուհետև հոբեյար Վեհափառ Հայրապետը արտասանում է իր օրհնության խոսքը (տես էջ 13):

Հանդիսավոր նիստից հետո տեղի է ունենում հոգևոր համերգ, որի ընթացքում ելույթ են ունենում հոգևոր ձեռնարանի սաները՝ ղեկավարությամբ Տ. Ղևոնդ քին. Հարությունյանի, Մայր տաճարի երգչախումբը՝ ղեկավարությամբ Հայկական ՍՍՀ վաստակավոր արտիստ Խորեն Մելիսանեջյանի, երգչախմբի մենակատարներ՝ Հայկական ՍՍՀ ժողովրդական արտիստ Լուսինե Զաքարյանը և Վալերի Հարությունյանը, ինչպես նաև «Շարական» վոկալ-գործիքային նվագախումբը:

ՀՈԳԵՎՈՐԱԿԱՆ ԵՎ ԱՇԽԱՐՀԱԿԱՆ ՊԱՏԳԱՄԱՎՈՐՆԵՐԸ ՀՐԱԺԵՇՏ ԵՆ ՏԱԼԻՍ ՄԱՅՐ ԱԹՈՌԻՆ

Սեպտեմբերի 30-ից մինչև հոկտեմբերի 5-ը հոգևորական և աշխարհական պատգամավորները հաջորդաբար հրաժեշտ են տալիս Վեհափառ Հայրապետին, Մայր Աթոռին և մեկնում անսնոց տպավորություններով:

Սեպտեմբերի 25-ից հոկտեմբերի 5 օրերին սրբալույս մեռնի օրհնությանը և Հայոց Հայրապետի ծննդյան 75-ամյակին, քահանայապետության 40-ամյակին և գահակալության 28-րդ տարեդարձին նվիրված հանդիսությունները անցան հաճելի, հետաքրքրական ու բովանդակալից:

Մայր Աթոռում գտնվելու շրջանում հյուրերն այցելեցին հանրապետության տեսարժան վայրերը, եղան Գառնիում, Գեղարդի վանքում, Խորվիրապում, Սևանում, ծանոթացան մայրաքաղաքի նորակառույցներին, այցելեցին թանգարաններ և մշակութային կենտրոններ:

Համապատասխանաբար մեծ տոնախմբություններում մի անգամ ևս հաստատապես արտահայտվեց, որ դարերի խորքից բազմաթիվ փոթորիկների ու մաքառումների միջով անցնելով այսօր ապրում է հայոց ազգը և այսօր կանգուն է Հայոց Եկեղեցին, որոնց սրբազան առաքելությունն է է՛լ ավելի շենացնել մայր հայրենիքը և պայքարել աշխարհի խաղաղության ու ժողովուրդների եղբայրության համար:

Բոլոր պատգամավորներն ու Մայր Աթոռի հյուրերը մեկնեցին շնորհակալական պգացումներով և անջնջելի տպավորություններով՝ իրենց հետ տանելով հայրենիքի կենսատու շունչն ու հոգին, Վեհափառ Հայրապետի օրհնություններն ու բարի մաղթանքները և Սուրբ Էջմիածնի սրբազան ու անմահ խորհուրդը՝ «քանզի ի վերայ Աջոյն և Ս. Էջմիածնի ամենայն ազգն հայոց կապեալ կայ»:

Վեհափառ Հայրապետի ծննդյան 75-ամյակի, քահանայապետության 40-ամյակի, և գահակալության 28-րդ տարեդարձի առթիվ Մայր Աթոռում ստացվել էին բազմաթիվ շնորհավորական նամակներ, հեռագրեր և գրություններ:

Հաճույքով հրատարակում ենք այստեղ Արևմտյան Եվրոպայի Հայրապետական պատվիրակ և Ֆրանսիայի հայոց առաջնորդ Տ. Սերովբե արքեպ. Մանուկյանի, Հայկական Բարեգործական Ընդհանուր Միության նախագահ Ալեք Մանուկյանի, Հայկական ՍՍՀ Գիտությունների ակադեմիայի պրեզիդենտ Վիկտոր Համբարձումյանի և հայրենի ճանաչված բանաստեղծուհի Սիլվա Կապուտիկյանի շնորհավորական գրությունները՝ ուղղված Ամենայն Հայոց Հայրապետին:

S. ՍԵՐՈՎԲԵ ԱՐՔԵՊ. ՄԱՆՈՒԿՅԱՆԻ ՇՆՈՐՀԱՎՈՐԱԿԱՆ ԳԻՐԸ

Վեհափառ Տեր,

Մեզի համար մեծ ցավ է, որ այս առիթով կարելիությունը չունինք մասնակցելու սուրբ մեռնի օրհնության և մասնավորաբար անձամբ Մեր մասնակցությունը բերելու Ձերդ Վեհափառության բարեբաստիկ ծննդյան 75-ամյակի, քահանայագործության քառասնամյակի և գահակալության 28-ամյակի հանդիսությունաց:

Մյուս կողմե, սակայն ուրախ ենք, որ Ֆրանսայի մեր եկեղեցիներու կողմե պատգամավորություն մը՝ գլխավորությամբ Մեր ընդհանուր փոխանորդին՝ գերաշնորհ Տ. Գյուտ եպս. Նագգաշյանի, պիտի ներկայացնեն Մեր և Ֆրանսայի մեր ժողովուրդին բարեմաղթությունները այս առիթով:

Վեհափառ Տեր, վստահ եղեք, որ մենք հեռվեն կմասնակցինք այդ փառավոր հանդիսություններուն և մտքով ու հոգիով, ինչպես միշտ, այս առիթով ևս Ձեզի հետ ենք:

Մեզի համար Դուք Աստուծո կողմե տարիներն ի վեր այդ պաշտոնին հսկմար փնտրված և պատրաստված անձնավորություն մըն եք:

Ներեցեք Մեզի հիշել դրվագ մը, որ խորապես տպավորած է Մեզ և միշտ ալ տեղ գրաված է Մեր մտքին մեջ:

1936—1938 թվականներուն, երբ հայրենիքը դժվարին օրեր կանցներ, և Մայր Աթոռ Ս. Էջմիածինը անջնջած և գրեթե լքված վիճակի մեջ կգտնվեր, արտասահմանի հայությունը մտահոգ, հուսախաբ և տագնապալից շրջան մը կանցներ՝ ի տես և ի լուր այդ տխուր վիճակին:

Այդ շրջանին, ամերիկացի ազգայիններն մեկը, մտահոգ այդ վիճակեն, կներկայանա այդ ժամանակվա ամերիկահայոց առաջնորդ Տ. Գարեգին արքեպիսկոպոս Հովսեփյանցին և մասնավորաբար իր մտահոգությունները կհայտնեն անոր Մայր Աթոռ Ս. Էջմիածնի այդ տխուր վիճակին համար և կըսեն. «Ի՞նչ պիտի ըլլա Էջմիածինը, ո՞վ պիտի ըլլա անոր ապագա գահակալը»:

Երջանկահիշատակ Գարեգին արքեպիսկոպոս, իրեն հատուկ լավատեսությամբ և մարգարեական շունչով, խաղաղ և անվրդով հոգիով մը կպատասխանեն. «Չավակա, մի՛ մտահոգվիր, մեր հայրերուն Աստվածը այս վայրկյանեն իսկ կփնտրեն և կպատրաստեն իր ներկայացուցիչը և Սուրբ Էջմիածնի գահակալը»:

Մարգարեական այս արտահայտությունը իսկապես իրականացավ 1955 թվականին, երբ ամբողջ հայության ներկայացուցիչները, հավաքված Սուրբ Էջմիածնի դարավոր գմբեթին տակ, Աստուծո կամքով Ձեզ ընտրեցին որպես կաթողիկոս Ամենայն Հայոց և արժանավոր հաջորդը Սուրբ Գրիգոր Լուսավորչի: Ու անոր հավատավոր հաջորդներուն:

Այդ թվականին սկսյալ կարծեք նոր և լուսավոր դարաշրջան մը բացվեցավ մեր եկեղեցիին և մեր ժողովուրդին համար առհասարակ: Մինչ այդ, Դուք գրեթե անծանոթ մըն էիք ընդհանրապես եկեղեցվո ղեկավար շրջանակին: Բաց առաջին իսկ վայրկյանեն Ձեր տպավորող անձնավորությունն ու իմաստուն վերաբերմունքը արդեն գրաված էին ամենուն ուշադրությունը: Ու երբ օծվեցաք և լեցվեցաք աստվածային շնորհներով, այլևս ամեն հայ Ձեր մեջ գտնվալ ատենին՝ լուսահոգի Գարեգին Հովսեփյանց կաթողիկոսի մարգարեական հայտնությունը:

Կարիք չկա մանրամասնորեն անդրադառնալու Ձերդ Վեհափառության 28 տարիներու այնչափ ա:րդյունաշատ, եկեղեցաշեն և ազգօգուտ գործունեության:

Միայն կուպենք շեշտել, որ 300 տարիներն ի վեր, Դուք եղաք Հայոց Հայրապետներն առաջինը, որ կարեկությունն ունեցավ, հովվական ցույց ի ձեռին, այգեղել աշխարհացրիվ իր հուրին:

Դուք եղաք այն ոսկյա կամուրջը, որ միացրեց Մայր Հայրենիքը և արտասահմանի հայությունը: Արտասահման տված Ձեր բազմաթիվ պայքարություններով տարածեցիք հայության մեջ Սուրբ Էջմիածնի խորհուրդը և Մայր Հայրենիքի սերը:

Մինչև բարեբաաստիկ Ձեր գահակալությունը, այս իրողությունները, առհասարակ արտասահմանի հայության իմասր, խորհուրդ և երապներ էին միայն: Դուք, Ձեր անձնավորությամբ և հայրապետական պատգամներով, վանուր իրականության վերածեցիք, և արտասահմանի հայությունը պզաք և ապրեցավ աւուրց դերն ու արժեքը իր աշխարհացրիվ և պանդուխտ կյանքին մեջ և աւուր կապերով պողվեցավ այդ իրականությանց:

Այս 28 տարիներու ընթացքին, Ձեր անձի հմայքով և հանգամանքով, ապահովեցիք արտասահմանի սիրտը, անուրց նյութական օժանդակությամբ ու հայրենի կառավարության բարյացակամության շնորհիվ, պայծառացուցիք մեր եկեղեցիները, վերանորոգեցիք ու շինցուցիք վանքերը և հոգևոր նոր շունչ մը ծավալեցիք ամբողջ հայ ժողովուրդին մեջ ի Հայաստան և հարտասահման:

Կազմակերպական Ձեր շնորհներով ամբողջ արտասահմանի հայությունն ու եկեղեցիները Ձեր հմայքով կապեցիք Մայր Աթոռին, հայրենիքին և Սուրբ Էջմիածնին:

Անշուշտ Ձեր այս ապօգուտ ձեռնարկներուն մեջ դժվարություններ ունեցաք, բայց Ձեր քրիստոնեական լայնախոհությամբ և իմաստությամբ կրցաք հաղթահարել վանուր, և հայրական սիրով ու ներողամտությամբ գործնականապես եղաք Ամենայն Հայոց Հայրապետը գրավելով ամենուր սրտերն անխոր:

Տակավին չենք անդրադառնար Ձեր այնչափ արդյունավոր շինարարական գործունեության, մասնավորաբար Սուրբ Էջմիածնի մեջ, ուր վերանորոգումներուն վրա դրիք Ձեր արվեստագետի ճաշակն ու կնիքը: Այդպեսով, Մայր Աթոռ Սուրբ Էջմիածինը, իր ամբողջ կապով, արվարացիորեն կեդրուր եղավ ոչ միայն մեր ժողովուրդին, այլ նաև օտար եկեղեցական իշխանությանց և այցելուներուն համար:

Մենք Ձեր գահակալության շրջանը չենք համարձակիր որակել կամ սահմանել որևէ բառով մը. բայց վստահ ենք, որ Դուք պատմության պիտի անցնիք որպես մեր մեծ և շինարար կաթողիկոսներն մեկը:

Վեհափառ Տեր, ջերմորեն կշնորհավորենք Ձեզ Ձեր եղյակ տարեդարձներուն առթիվ և կըսենք ու կմաղթենք ամբողջ սրտով. «Ձի շնորհեցեք Ձեզ Տեր ընդ երկայն ատուրս ողիղ վարդապետութեամբ»:

Փարիզ,

20 սեպտեմբերի 1983 թ.

ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀԱՆՈՒՐ ՄԻՈՒԹՅԱՆ
ՆԱԽԱԳԱՀ ԱԼԵՔ ՄԱՆՈՒԿՅԱՆԻ ԸՆՈՐՀԱՎՈՐԱԿԱՆ ԳԻՐԸ

Վեհափառ Տեր,

Այս օրերուն դարձյալ կինչեն Սուրբ Էջմիածնի դարավոր ու սրտահոյ պանգերը՝ համայն աշխարհի հայության հոգիները և նայվածքները սևեռելով դեպի Մայր Աթոռ, ուր հանդիսավոր իրադրության մեջ կնշվին Վեհափառությանդ ծննդյան 75-ամյակն ու բարեղեպ գահակալության 28-րդ տարեդարձը,

մինչ հոգեպարար արարողություններով կօրհնվի ավանդական սրբալույս մյուռնը: Այս բոլորը կկուգադիպին Ձեր քահանայության 40-ամյակին:

Ձեր գահակալությունը շինարարության ու վերելքի նոր ոսկեդար մը հանդիսացավ Մայր Աթոռի հարուստ պատմության մեջ, այնքան լուսավորություն ու կառուցում ստեղծվեցավ Սուրբ Էջմիածնի շրջափակին մեջ, որ կարծեք մեր նախահայրերուն հոգիները իջան այնտեղ ու Ձեր հայրապետական բարի հայացքին տակ վերականգնումի անդուլ աշխատանքի մը անցան՝ վրեժը առնելու համար կորսված դարերու ավերներուն:

Մայր Աթոռի միաբանությունն ու հոգևոր ճեմարանը մեր եռամեծ հայրուպետներուն շարականներով ցնծացուցին ու կենսավորեցին մթնոլորտը Սուրբ Էջմիածնի:

Վեհափառությանդ բարի համբալն ու սրտի ջերմ խոսքը տարածվեցան ամբողջ աշխարհի երեսին ցրված հայության՝ անոր սիրտը թրթռացնելով՝ ազգաշունչ սարսուռներով:

Հայրենիք և Սփյուռք եկան երկյուղածությամբ մատչիլ Ձեր հայրապետական Աջին: Սփյուռքի հայության պատկառանքը բազմասյաակվեցավ հայրենի ժողովուրդին սրտագին նվիրումով ու հայրենի պետության ակնածալիք վերաբերումով Վեհիդ հանդեպ:

Մեզի համար պատմական վկայություն էր Ձեր առաքինազարդ սնձին մեջ տեսնել ճառագայթումը միասնականության խորհուրդին: Չեզմով է, որ նոր ժամանակներուն հայ ժողովուրդը փարեցավ մեկ ազգ, մեկ հայրենիք և մեկ Եկեղեցի սկզբունքին, որուն լուսավոր խորհրդանիշը հանդիսացաք Դուք միշտ:

Այս տոնախմբությանց առիթով Էջմիածնի դղանջները պիտի հասնին ամենեն հեռավոր անկյունները աշխարհի՝ մեր տարահալած հայ բեկորներուն հաղորդելու համար Սուրբ Էջմիածնի ցնծությունն ու փառքը: Մեր ազգը ամբողջ կմիանա այսօր, Վեհափառ Տեր, իր սրտի խորերեն երկյուղածությամբ ողջունելու Ձեր կյանքին այս թանկագին երեք հանգրվանները:

Էջմիածինը պետք ունի տակավին Ձեզի. պետք ունին Ձեզի Հայաստանն ու ամբողջ հայությունը:

Ձեզի կմաղթենք ուժ, կորով և անհուն արնշատություն, որ շարունակեք Ձեր սրբազան առաքելությունը պատմության լուսավոր ուղիներուն վրա:

Մատչելով ի համբույր Սուրբ Աջույդ, կմնանք որդիական խորունկ ակնածանքով՝

ԱԼԵՔ ՄԱՆՈՒԿՅԱՆ

Սադուկ-Բրուք,
20 սեպտեմբերի 1983 թ.

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՊՐԵԶԻԴԵՆՏ
ՎԻԿՏՈՐ ՀԱՄԲԱՐՉՈՒՄՅԱՆԻ ՇՆՈՐՀԱՎՈՐԱԿԱՆ ԳԻՐԸ
ՎԵՀԱՓԱՌ ՀԱՅՐԱՊԵՏԻՆ

ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՎԱԶԳԵՆ ԱՌԱՋԻՆԻՆ

Սիրելի Վեհափառ,
Ինձ համար միաժամանակ մեծ պատիվ է և հաճույք ողջունել Ձեր ծննդյան 75-ամյակը:

Գլխավորելով Հայ Առաքելական Եկեղեցին և մեծ պատասխանատվությամբ կատարելով Ձեր վրա դրված պաշտոնական պարտականությունները, Դուք

մինևույն ժամանակ հսկայական եռանդով ու հավատով տարածում էք ողջ հայ ժողովրդի մեջ խաղաղության ազնիվ գաղափարները: Մեր մտավորականության կողմից բարձր է գնահատվում նաև այն ուղադրությունը, որ Դուք ցուցաբերում եք Հայաստանի պատմական հուշարձանների վերականգնման և գեղեցկացման նկատմամբ:

Ձեր ազնվությունը, հայրենասիրությունը և նվիրվածությունը հայտնի են բոլորին:

Մաղթում եմ Ձեզ ամուր առողջություն և երկարակեցություն:

Ձեզ մեծապես հարգող՝

ՎԻԿՏՈՐ ՀԱՄԲԱՐՉՈՒՄՅԱՆ

Երևան,

19 սեպտեմբերի 1983 թ.

ՍՐԼՎԱ ԿԱՊՈՒՏԻԿՅԱՆԻ ՇՆՈՐՀԱՎՈՐԱԿԱՆ ԳԻՐԸ
ՎԵՀԱՓԱՌ ՀԱՅՐԱՊԵՏԻՆ

Թանկագին Վեհափառ,

Թույլ տվեք սեպտեմբերի 20-ին, Ձեր ծննդյան բարեբեր օրը, իմ սրտագին ջնորհավորանքները միացնել աշխարհի չորս ծագերից Ձեզ հղվող երախտագիտության և շնորհավորանքի խոսքերին:

Թող, որպես փոխվարձատրություն, մշտապես Ձեզ վրա լինի մեր աշխարհասփյուռ ժողովրդի հավաքական օրհնությունը՝ մեն ու միակ մի մաղթանքով, որ Ձեր վաստակաբեռ կյանքի երեք քառորդ դարը, որքան կարելի է, առավել հասնի իր փառավոր լրումին:

Երևան,

21 սեպտեմբերի 1983 թ.

